




Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.80 (a)





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.80 (a)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.80 (a)



Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. K.6.80 (a)

C L Arissimo uiro. D. Bernardo Bembo patricio Veneto iure
consulto Frater Baptista Mantuanus Carmelita. S. P. D.

b

EATISSIMAE Virginis et martyris Catha-
rinę uitam nuper Romę dum tu apud Innoceti-
um Ponti. maximū pro re. p. tua splendidum ora-
toris munus obires heroico carmine cōplexus sū
Opusculū ut mihi uideretur pium magis q̄ elegās:
et immaturum potius q̄ p̄maturum. Nam mea in te charitas tu-
is in me beneficiis excitata dum tuo desiderio nimis ardentem sat-
tisfacere cupit pretermissa diurnę limę diligentia et labore corri-
gendi precipitauit ęditionem. Sed age placeat celeritate si nōn pla-
cet eloquio: Quatraginta enim et non amplius diebus opus abso-
lutum est dum propter ęstiuum iusticiam negociis intermissis cu-
ramus ocia canicularia salubriter cum aliqua studiorū fruge trāsi-
gere. Tibi igitur uir prestantissime liberisq; tuis libellus iste dica-
tus est ante tibi debitus q̄ cōditus. muneris tenuitatem poterunt
excusare meus ingens animus et curta supellex: animi tui mode-
stia ac summa liberalitas quę ab amico paupere xenia pretiosa nō
expectat. et de hoc hactenus. Miror p̄fecto nec parū miror. de hac
tali ac tanta uirgine in cuius laudes tota catholica certat ecclesia
nullam ab Eusebio Cęsariensi episcopo cum de illis temporibus
agit fieri mentionem. Crediderim id accidisse diabolo procurāte
et tanti uiri cogitationes aliorum flectente dum sanctissimę chry-
sti martyris imortali glorię titulisq; sempiternis. inuideret. Sed
quod ille sanctitatis inimicus et publicus hostis innocentię frau-
dulencia sua prohibuit chartis inscribi deus probitatis auctor et
assertor sua prouidentia uoluit fidelium cōdibus ānotari: Nulla
.n. uirgo post illam incōpabilem uirginē quę est dei mater et hōis
hāc opinione sanctitatis antecedit. Nominis eius Etymologia de-
prauata est aquodam qui eum librum composuisse dicitur cui le-
gēda aurea titulus est. Fuir. n. uir ille iudicio meo pius quidē sed
nequaq; satis litteratus. pius inq; q̄ diuina congefferit: illitteratus
uero quoniā gręcis uocabulis latinā: latinis gręcā: hebraicis mix-
tam: nulli uerā: omibus cōfusam: obliquā: cōtortam: falsamq; de-
derit interpretationem. Atq; ita sanctorum nomina dum illustra-

2.1.



re putat sua delusus uel ignorātia uel ipudēti temeritate reddidit obscuro:
 riora: et nisi putaretur peccasse p impitiā putari posset de impietate cont-
 dēnādu: utpote qui sacrosanctā christi religionē rectē interpretatōnis
 iuersione uoluerit cauillari: et noīum pturbatōe sanctis illudere. fanati-
 co et somniāti similis mōstrosa uerborū deliramēta cōfinxit: quē neq-
 ipe qui p labyrinthū tenebrōsq suę ignorātię circūactus nenias illas bal-
 buebat: itellexit. adeo delirus adeo icompos sui ut nesciret et se nesci-
 re quē diceret. Qd si fortasse cuiq plus equo uidebor excādescere pre-
 cor mihi ueniā nō negari si mereor: nā cū considero hinc factū esse ut
 scōrū uitę cōtēptui pateāt: ut sine risu uel stomacho legi nō possint: et
 corū gesta sūma ueneratione dignissima scriptoris uicio sic esse defor-
 mata atq; dehonestata ut ab homie latino quātūuis religioso uideātur
 indigna q legātur: si egre fero: si dāno: si conqueror: habere me puto
 indignationis iustę materiā. Debuit ille uir id munus omittere qd ad i-
 peritū non periebat: uel peritos aliquādo consulere sicut prudētē ui-
 rū decebat. uel prius discere q docere: ne dū ordine preposito uult eē
 magister atq; discipulus nauci hois nomē icurreret. sed fortasse putās
 errorē itelligētīę pię uoluntatis umbrare ptextu factus ē i utroq; reus:
 et itellectu atq; uoluntate deficiēs sibi ignominia: scis iuriā: fidei iac-
 turā: simplicib; ignorātiā: doctis nausēa parturiuit. Nō igitur Catha-
 rina uniuersorū ruina sicut ille fabulatus ē itēptat: sed uel a catharos
 qd ē purus: uel a catharizo purifico: uel a catāreo dfluu uel a cata et ry-
 ax qd ē riuus uox illa dfflectit. legimus. n. apd pli. hipponē aphricę op-
 pidū cuius epātū tenuit augustinus a gręcis catarytū appellari q ni-
 uis et aquis esset irrigua. Quoduis horū dixeris recte dixeris. Vera e-
 ni sēp cū agnoscūt i oib; aplectēda: at i huiusmodi noib; cū ueritas la-
 tet ad uerisimilia quē liguē alicuius picia sapiāt ab itēpre cōfugiēdū ē
 cauēdūq; ne istius exēplo uelut egri sōnia uanę figāt spēs: ut nec pes
 nec caput uni reddat formę. Sed iā satis de hoc supq dictū. Et ut totā
 Parthēicē priusq; plegas uno sūmati legas ituitu breue subiiciat argu-
 mentum.

ARGVMENTVM.

Catharina uirgo egyptia: Alexādrīę nata: costō patre: q fuit ex lagida-
 rū familia. sub maximino oriētis pfecto uel sub maxētiō Maximiā fi-
 lio passa. nā de auctore passiois abigit. sed oia fere exēplaria quē legū-
 tur i ecclesiis Maxētiū hēnt. supatis et ad fidē cōuersis qnq; gita diser-
 tissimis oratorib; cām xpī rutata ē. diu sūllōre carceris afflicta: longa
 inedia macerata: durissime cęsa: tadē post uxoris regię et Porphyrii du-
 cētorūq; militū cōuersionē cōfractis rotarū machinis decolata lac fudit
 p sāguine. corpus eius i Sinā mōrē arabīę deportatur ab angelis.

FRATRIS Bap. Mant. Carmelita theologi ad
magnificū. D. Bernardū bēbū patriciū Venerū et
iurecōsultū peritissimū secūda Parthenice icipit.

Ostidis aggressi pugnā: tormēta: rotaſq: :
c Atq; triūphato uictricia bella tyranno : O

Detegimus fraudes: et nūmīa falsa deorū.
Sancta faue uirgo tenuem cui carminis orsum
Pangimus: et q̄eto uenias ad uela secundo.
Veridicos cantus non ex helicone uetusto
Porriges: sed christi sacris de fontibus haustos.
Da mihi non hederæ non lauri uimine textā
Sed qualem tu diua geris de fronde coronam
Arboris æoæ: medio quā legimus horto
Spargere felicem ramis uitalibus umbram :
Et paradisiaco nobis aspiret ab orbe
Vera dei soboles æterna potentia patris.

Orbe soporato tellus ægyptia noctem
Roriferā induerat: mersusq; sub æquore titan
Hesperio coeli nidos accenderat ignes:
Et niger attollens humentem scorpius ortum
Stringebat iam rura nouis effoeta pruinis.
Cum iouis imperio uolucres Cyllenius alas
Sumpſit: ut ex toto ueteres memphitis in agros
Cogeret orbe deos: qui maiestate relicta

a, ii.

Iam sua cadebant nostris altaria sacris:
Inuitaq; iugum Christi ceruice ferentes
Nulla dabant responsa palam: sed coeca malorū
Semina iactabant: tacitoq; in pectora lapsu
Intrantes humana dolos et operta uenena
Gentis ad excidium nostræ inspirare solebant.
Quale per insidias gerit inter ouilia bellum
Nocte lupus facta pedibus scrobe limina subter.
Tunc ferus ausoniis maior noua gentibus arma
Suadebat: ferrumq; graui uersare tumultu:
Ocia lucanis dum Maximianus in hortis
Ducit: et in regem dum res romana reuerti
Cogitat extinctis regni consortibus unum.
Tunc hecates motus furiis Maxentius artes
Vertitur ad magicas: ueterumq; ad sacra deorum
Instaurat delubra. nouus scrutatur aruspex
Exta: scelus tentat: quo non crudelius ullum
Legimus a prima nascentis origine mundi.
Viuentum grauidas matrum secat ensibus alios
Immatura trahens stygiis quæ destinet aris,
Pignora. funestos docuit proserpina ritus.
Inuida crescentis fidei successibus omnem
Hæresibus sacram legem tritonia pallas
Implicat: et ueris fucat mendacia dictis.
Mixta choris iuuenū uenus illecebrosa repugnat

Virginibus sacris: moresq; irridet honestos.
It ueneri Bromius comes: et Silenus: et ipsæ
Castra mimallonix uino redolentia baccha.
Atq; dioneos furtim per recta liquores
Iam sine pampineis thyrsis et lyncibus euan
Mittit: et occultos accendit in hædibus ignes.
Inuoluebat opum studiis saturnia Iuno
Corda uirum gēmis: fuluiq; numismatis aura:
Merce peregrina: tunicis ardentibus ostro
Sollicitans animos hominum. Priuatus olympo
Phoebus et ignifero curru: pice nigrior atra
Versus in ethiopem: fidibus spoliatus: et arcu:
Daphnæa sine fronde miser per moenia noctu
Ibar: et ablatum uirus pythone perempto
Quod magnus seruabat onyx spargebat in ipsos
Nobilium thalamos: quo corda imbuta malignis
Artibus armabant animos: hinc orta libido
Imperii: et curis rabies accensa superbis
Regnādi cupidos facile in scelus omne trahebat.
Talibus addictos operis Cyllenius urget
Ad moesti iouis ire domos memphitica regna.
Est locus ægypti bifido qua flumine Nilus
Delta facit: Nilus cuius coelestis origo
Regna per æthiopum fugiens orientis ab hortis
Ingreditur pharios septena per hostia fluctus.

a.iii

Non procul est Styx atra palus: ubi condidit Io
Inachis inuentum fratrem Typhonis Osirim.
Aedita non procul est in collibus ora supinis
Pyramidum regio: quarum preciosior orta
Dicitur a Rhodope: cuius prestantia formæ
Tot congestit opes ut nobilitate sepulchri
Vicerit et reges ipsos. Hic Iupiter olim
Clarus et ignipotens: posito modo fulmine paup
Squallidus et torua demissus lumina fronte
Damonas aduectos angusto suscipit antro:
Atq; sub exesa scabri restudine saxi.
Confedere solo. Tunc sic est iupiter orsus.
Numina quæ toto terræ regnastis in orbe
Non satis est nostro quod nos galilæus honore
Exiit in tantas ausus prorumpere fraudes
Non satis est. pueris etiam contemnimur. omnes
Nos impune premunt: in nos conuicia iactant
Caupones: miniq; leues: scurræq; loquaces.
Falsidicosq; uocant. Ergo hac indigna feremus?
Nec toriens læsi semel ulciscemur? inertes
Sic sumus ut uiuos nos non intelligat hostis?
Nos periisse putant: deffunctaq; numina uita
Vulgus ait. Tempus ueniet cum turbine tanto
Christigenas asiæ regnis libyæq; fugatos
Inuoluam. properate dies. uelociter anni.

Currite. Ferte cito Machometia tempora cursu.
Interea mentes aliis solabimur agras
Suppliciis. Vna nostras in uirgine uires
Experiamur. erit nostri reuerentia forsan
Maior ab exemplo tali. Catharina superbo
Nostra supercilio damnat simulachra: deosq;
Impia subsannat. uultuq; elata superbo
Non uenerem non Iunonem non Pallada nō me
Tanta est impietas minimo dignatur honore.
Iupiter hæc. magno socii fremuere tumultu.
Exiliunt ira: furiarum incendia surgunt.
Et furor ignitis oculis et fronte minaci
Excandescit: uti rapidis cum ferrea flammis
Lamina cyclopy excoquitur flagrante camino.
Iupiter ut uidit grauibz commota querelis
Numina sic iterum sumptis sermonibus inquit.
O Soboles iucunda mihi plutonia coniunx
Persephone quando miseri te cura parentis
Sollicitat cita tartareas descende sub umbras.
Plutonemq; roges unam mihi mittat herinnem:
Tisiphonen: aut Alecto: diramue Megeram.
Ipete nata uirum: grauibzq; obnitere uerbis.
Scis quibus ille modis possit quoue ordine flecti.
Sic pater. hæc responsa dedit proserpina patri.
O pater. heu frustra furias in tale uocamus

a iiii

Obsequium: poscit furias sibi Tartarus omnes:
Nec satis officio faciunt. uix prima Neronem
Vix Decium fratremq; Titi execrabile sancta
De radice genus colubris et uerbere duro
Corripit. indomita pugnāt cum manibus ūbra.
Vociferant altum lateq; incendia iactant.
Tantus in igne dolor: tanta impatientia flāma.
Namq; ea gentiles animas in tartara iactans
Non finit alterna requie mitescere poenam.
Et modo romanis thalamos stratumq; duobus
Regibus imperii q; deposuere labores
In mediis Cocytī undis componit: et altum
Figit humi puteos: q̄tum marpesia cautes
Ingenti uix mole nouem descenderet annis.
Altera iudæos recutitaq; improba gentis
Semina: quæ postq̄ loetali uulnere Christi
Abstulit antiqua nequicq; lege superbit.
Curat: et arduos mergit phlegethontis in ūdas.
Sapius Herodes geminos natumq; patremq;
Cædit: et insertat candens in guttura ferrum:
Tercia Christigenas odiis infensa cruentis
In uada preruptæ celso de uertice rupis
Præcipites acherontis agit: uersosq; per amnem
Luctificum trahit hammato per saxa tridente.
Et iacit in flammis: quæ deficientia nunq̄

Sulfura depascunt. fumoq; inuoluit et igne .
Sed quid opus pater hic furis? ego iussa capeſſā.
Fare. patris non eſt fas diſſimulare dolorem .
Vade ait ardentem quando Maxentius aras
Conſulit imperii cupidus ſub nocte ſilenti
Haec reſponſa dato. Nilum pete: ſacra deorum
Reſtitue: et tanta tibi pro pietate coronam
Accipe: et inſignem fulgenti murice clauum.
Sic ait: et nata pater inclinatus ad ora
Permulcenſq; caput dextra dedit oſcula fronti.
Perſephone mandata facit: coruiq; figuram
Induit: et trannans auras pernicibus alis
Præterit hammonis templum admirabile quodā
Dum Iouis imperium maiestatemq; colebant
Terrigenæ: a libycis quod nomina traxit harenis.
Iamq; tenet ſyrtes. facit hic brevis unda uadofum
Aequor: et eſt ratibus magnis imperuia Therys.
Transuolat inarimen atero ardore coruſcam:
Quæ premit ingentem ſaxoſa mole Tiphoeū.
Iam tenet italiæ littus: lauiniæq; arua.
Intrat ad urbanos ſtrepitus: ceſſaq; reſedit
Tarpei ſuper arce iouis. populumq; patreſq;
Et tria deſpiciens fora poſt delubra tonantis
Solis ad exortum Romæ decora alta ſuperbæ
O caput o florens terreni gloria mundi

Dixit ut excello tētigisti uertice coelum
Indigetes oblita tuos geniosq; lareſq;
Atq; Iouem et natos demens ad inania Christi
Tam cito degeneras documēta fidēq; nefandam.
Sic ait :et Petrum quater execrata columnam
Traiani quæ iuncta foro supereminet urbi
Inuolat .et coruus iam desinit eē :breuemq;
Se trahit in nebulam :et Maxētia tecta subintrat.
Nox erat :et phoebe gelidis argentea bigis
Collis auentini summo de uertice tollens
Cornua lustrabat radiis pallentibus urbem .
Impius ad magicas rediit Maxentius artes :
Combustiq; affert cineres infantis ad aram .
Consulit exta :uocat manes :et numina læthes .
Nacta uias faciles et idonea tempora fraudi
Persephone commenta sagax insibilat aura
Pertenui .fibrasq; mouens felicia signa
Fingit :et inuoluit regis caput igne corusco
Subridens :alacri saliunt precordia plausu
Principis :et totam trahit inter gaudia noctem .
Iam parat ire uiam pelago :iam concipit omnem
Trinacriam :crataq; domos :cyprumq; Rhodūq;
Qua Zephris impulsus eat :qua classe latina
Vectus alexandri monstratam annauiget urbem .
Egregios prima comites de pube quirium

Deligit: et fulget tyriis aurata iuuentus
Vestibus: æois rutilant segmenta lapillis.
Et uagina sinu gladios hiacynthina pulchro
Claudit: et argentum capulis effulget eburnis:
Septima confurgens roseis aurora capillis
Oceani pulchrum caput extollebat ab undis.
Cum iam compositis ratibus uentoq; secundo
Littore ab ausonio soluens pelusia tendit
Hostia: et illustres pompeii funere campos.
Persephone uolat ante: fretum spumantibus undis
Liberat: et placido facilem facit æquore cursum.
Non scythicus boreas illis non aphricus Auster
Non oriens Euris poruit spirare diebus.
Vix sua sub leni crispabat tergora pontus
Applaudens zephyro: et sceleri se accommodat æquò.
Optimus interea mentis deus auctor honestae
Atq; pudicitiae custos ne regia uirgo
Circumuenta dolis subito labatur ab alto
Præmonet: et celeri tradidit mandata ministro.
Ille per immensos coeli glacialis ab ortu
Labitur anfractus: penetransq; per aurea tauri
Cornua pleiadum flammam restringit: et ipsos
Præterit Errones septem. triuixq; sub orbe
Accipit exiles raris ex ignibus artus.
Regia progenies cultu redimita pudico

Inter socraticos et quos academia quondam
Stoacq; cæcropiis libros de fontibus hausit
Clausa latet modico pictæ testudinis antro.
Atq; uoluminibus legum stipata duarum
Abstrusos animo sensus uoluebat: et acris
Ingenii uegetas acies figebat in omne
Quod tenebris enigma latet. mysteria minis
Inuelata modis uisu penetrabat acuto.
Quicquid ad ornatum fidei exemplaria sanctæ
Græca ferunt animo uigili condebant: et omnem
Assidui frugem studii quasi fertilis agri
Primitias quasi collectum de sordibus aurum
Et quasi fulgentes gangis de puluere gemmas
Rasaq; panchei duro de cortice thura
Roboris et pinguem torto de caudice myrrham
Ad Christi delubra ferens. Cape summe deorum
Munera dicebat: primæ cape dona iuuentæ
Quæ tibi per steriles apis hæc tua colligit agros.
Primus Abel pingui coluit tua numina sacro:
Melchisedech panum calathos et cymbia bacchi
Obtulit. Habraamus dulcem sua gaudia natum:
At nos synceræ tibi uirginitatis honores
Collectosq; pia de sedulitate legendi
Offerimus flores: nostra hæc tibi munera sunt.
Regia dum tales uoluit sub pectore curas

Et fugiens animo terras coelestia uirgo
Cogitat ecce noua lucis micat igneus ardor
Atq; repercusso paries splendore coruscat.
Aurata micuere trabes: micuere columnæ:
Et subitis uisum flammis ardere lacunar.
Nuncius emisso nitidis e nubibus ore
Regia progenies dixit. quia concipis alto
Corde deum concessa tibi consortia diuum.
Pone metum: secuta meas intellige uoces.
Ille ego qui maris sanctas orator ad aures
Ante fui tibi. de summo modo mittor olympo.
Nam tibi post illam primi debentur honores
Inter uirgineas acies albentia castra.
Scis ueteres odio lucis studioq; malignæ
Mentis et imperii uanæq; libidine laudis
Dissentire deos christo: et molimine magno
In mores certare bonos: nec posse nitorem
Ferre pudiciciæ. Clymenes corruptor apollo
Pressit aristei matrem. nymphamq; Dionem.
Iupiter europam. Danaen. Asopida. Lædam.
Atq; Lycaonidem. Maïam. Bacchiq; parentem.
Falcifer oceani natam. Minoida Bacchus.
Persephonem Pluto rapuit. simoentis ad amnem
Congreditur Venus Anchisæ. thetidoscq; cubile
Pelleus incestat: rector neptunus aquarum

Phorcida. Dedalidem fraudis furumq; magister
Mercurius. Venerem Mauors. et Pallada frater
Polluit. Endimyon uultu. Pan uelere lunam.
Iasius Cererem. Nulla est sine labe deorum
Progenies. nisi forte suum qua plangit. Osirim
Inachis arguto pellex. iunonia sistro.
Et tibi uirginitas istis odiosa. parauit
Insidias. in te longinqua a Thibridis urbe
Et coniuata descendunt proelia. Memphis.
Nulla sub indigno uirtus est principe tutam
Nulla sub incesto castis est gloria rege.
Nam uiciis probitas semper contraria pacem
Nescit. et hostiles dextra leuataq; careruas
Sustinet. illatosq; parat se semper ad ictus.
In uirtute labor. sed in ipso certa labore
Donat fit ex operis merces. aeterna resurgit
De sudore quies. et de moerore uoluptas.
Non habet ex omni numero plebisq; patrumq;
Victricem nisi qui potuit certare coronam.
Et multis certare datum. sed uincere paucis.
Atq; coronari et celebres uectare triumphos.
Quare age surgentes audaci naue procellas
Rumpe. per aduersos aperi tua carbasa fluctus.
Nec flantes horresce nothos nec murmura ponti.
Irato te crede mari. proramq; patentes

Ad coeli conuerte uias: reget ipse per undas.
Temonem uelumq; deus: puppemq; tenebit:
Nec sinet in scopulos fragilem trānare carina in.
Semper olympiaca terrā speculari ab arce.
Et quoscunq; operi uidit se accingere sancto
Numine presenti deus adiuuat. odit inertes.
Pugnam inuade: deo nihil aspirante timendum.
Nuncius hæc. humili facundia uirginis ore
Sic responsa dedit. Vobis ego numina grates
Non si uel totidem linguis quot dicitur Argus
Luminibus uidisse loquar: persoluere possim.
Omnia uos homini uitāq; alimentaq; uitæ
Vos datis: et coeli uos inspiratis amorem.
Blandiciisq; rudes ad contemplanda leuatis
Astra aīos: et opes uestras monstratis in ipsis
Ignibus et coeli ornatu mundi; decore
Perpetuo: nostræ ne forte libidine mentes
Se lutea immergant nequeantq; attollere frontē
Ad coeleste bonum: nostræ uos cura salutis
Sollicitat: nec nostra diu durare potestis
Damna pati: ueniamq; datis peccantibus ultro.
Me prope lactentem charisq; parentibus orbam
Ante puellaris q̄ uos agnosceret ætas
Cum neq; fabar adhuc uos suscepistis alendam.
Propterea nunq̄ diuis ego thura piandis

Vlla dedi: nunquam fumantia uidimus exta.
Sola dei mihi cura satis, mea tempore ab illo
Virginitas addicta deo: uotisq; uocata
Palma triumphalis pugna: qua sanguine fuso
Testificata thronum christi super astra uenirem:
Miscererq; choris superum: sedemq; beatam
Aetherea sortita domo regna illa uiderem
Aeternis congesta bonis: uisq; tuerer
Perspicuo quod certa fides sed nubila monstrat.
Est amor iste furor: quo tempore saucia longo
Nectar et ambrosiam sitio: tantusq; medulis
Ardor inest: tantus coeli calor ossibus haesit
Ut mors nulla queat mihi formidanda uideri
Sed iucunda magis, Cur non qua pertulit Agnes
Ipsa feram? cur non Agathes imitabile fatum?
Lucia cuius erat neq; mens neq; fortior aetas
Vicit: et istarum felix trinacria palmas
Vidit. Anastasiae tellus romana triumphis
Gaudet: ad istarum laudes et premia curro.
Tu modo qui coelo frueris diuine minister,
Hac offer mea uota deo: si fauerit omne
Dulce mihi certamen erit: pugnamq; diemq;
Arbitrio legat ipse suo, sic fata nitentes
Vertit humi assurgens oculos. Se nuncius albam
Colligit in nubem, sparsisq; per atria succis

Ambrosiæ dulci repetiuit sidera cantu.
Iam uada Carpathiæ fulcans Maxentius undæ
Littus Alexandri et phariam procul aspicit arcem
Atq; ait o magni salue pars tertia mundi
Aphrica romanam fausto precor omine classem
Aspice: et auspiciis diuum mea uota tuorum
Prospera sint: saluete dei saluete penates
Indigenae: quos religio longæua parentum
Excoluit. sacros uenio laturus honores.
Sancta sequor mandata Iouis: ritusq; reporto
Diuiuos ad templa deū. dum talia fatur
Præuolat ad portum remis uentoq; secundo
Cymba leuis uolucrum cursu quæ uinceret eurū:
Sūmaq; uix recto fugiens mouet æquora lapsu.
Fama per ægyptum pretentaq; littora ponto
Nunciat aduenisse rates ex urbe latina:
Aduectumq; freto romani regis alumnum.
Cuncta magistratus lucem posuere per illam
Publica: pellei priuata negocia ciues.
Festa dies agitur: nitidis urbana iuuentus
Vestibus et multo restantur gaudia cultu:
Turba coit: pictis oneratur puppibus æquor.
Murice uela rubent: radiant aplustria cocco.
Ducitur elato gradiens Maxentius ore
Splendidus et gemmis et multo lucidus auro.

b.i

Ausonii libyciq; simul glomerantur utrinq;
Sistra sonant: altis lucent in turribus ignes.
Moenia fronde uirent: et odoro gramine portæ.
Altera lux ortum Casii de uertice summo
Extulerat solem cum rex iam squallida multo
Templa situ iubet ornari: ueteresq; per aras
Purpureos spargi flores: et rite parari
Danda Ecatumbæo quæ sunt animalia sacro.
Christigenæ soliti crudis præda esse tyrannis
Contremuere metu: et multi petiere Syenem
Thæbæosq; lares: et Cyrenaica regna
Aethiopumq; domos et littora gentis Erembæ.
Sicut ubi mites aquilam uidere columbæ
Nare per aereos tractus: nec pinguia rura
Nec placidæ retinent epula: timor omnia uincit.
Pars latet umbroso saltu: pars alta uolatu
Tecta petit: pars montanis caua saxa latebris:
Et pennis percussa sonat pernicipibus aura.
Tunc est coepta coli regio deserta: solumq;
Solibus exustum assiduis: et rura uenenis
Inclyta et arentes terræ sitientis harenæ.
Soliuagus uastam petiit: tum paulus eremum
Hispidus et fuluæ tectus uelamine palmæ.
Cuius ad ignotas ueniens Antonius ædes
Incidit in satyros. mox flebile corpus amici

Condidit: et siccis uitam tradduxit in aruis
Inter harenicolas colubros et saxa leonum
Semina graminibus uescens et fluminis unda,
Templa coronantur fertis: et funibus actis
Barbara suspendunt aulae sub apside curua.
Pinguia mittuntur docti per rura ministri
Quae uicina bibunt piscosi flumina Nili
Atque papyriferae dulcem Tritonidis undam:
Et qua se uiridi Mareotis harundine cingit.
Adducant delecta bouum qui corpora centum,
Interea cultros paterasque et thura sacerdos
Exedit et sacras longo locat ordine uestes.
Ante ea neglectus meliori pascitur Apis
Gramine: et extento iacet ad praesepia uentre.
Iamque dies solennis adest. mugitibus aurae
Per fora perque uias urbis per compita clamant.
Aera crepant: clangore tubae complentur acuto.
Consequitur uulgi strepitus turbaeque frequentis
Murmur: et inflato resonat caua tibia buxo.
Clarus ad illustres graditur Maxentius aras:
Et circum pellea micat romanaque pubes.
Angelicas alto uoces sub corde uoluitans
Costis adesse uidet sperata tempora pugnae.
Et quaequid immota maneat sententia mente
Atque adamantinis uinclis frenata libido

b.ii.

Inuità rōne scelus non audeat ullum
Ora tamē meditans duri furibunda tyranni
Atq; graues poenas horret: ceu faxea moles
Pulsa freto et circum salientibus æquoris undis
Vapulat atq; tremit: sed non uestigia mutat.
Dumq; animus tanto curarum impellitur æstu
Non procul ecce dux uultu incessuq; uerendo
Foemineæ species adsunt: quarum una Cybeli
Persimilis turrata caput stellataq; frontem
Igneus ore color possit qui pana referre.
Perfora peruolitant nebula: gyroq; uolucres
Aereo ludunt et uersicoloribus alis
Aequora ueter habet: pictasq; p aequora puppes.
Squamiferiq; greges flexis per carula caudis
Arrectisq; natant pinnis: ludoq; fugaci
Per scopulos et saxa uolant uiridemq; per algā.
Imferius campi herbosi: curuataq; ripis
Flumina et excelsi nemorosa cacumina montes
Vertice inæquali: pecudes: humanaq; recta.
Atq; per incultos saltus atq; inuia rura
Attriti lepores et flexis cornibus errant
Dorcadæ: et timidi dammae ramosaq; cerui
Cornua tollentes uacuis spaciantur in agris.
Hec rerum natura parens: quæ uirginis ora
Dulcibus amplexens ulnis Quid mergeris iquit

Filia tot curis et sollicitudine tanta?
Contemplare meum decus et mea maxima regna;
Sanctaꝫ de nostris opibus uelut ante solebas
Expulsis animo curis solatia carpe.
Terra: fretum: nubes: flammæ: uersatile coelum:
Cuncta meis subsunt regnis: ego cūcta guberno:
Ellige de tantis aliquid quod mulceat ægram:
Quid tuus hic moeror sibi uult? quid dulcia miris
Pallent ora modis. et quo tua forma recessit?
Pone deum curas. diui sua sidera seruent:
Ambrosia uiuant: et delectentur olympos:
Terra subest homini: terrena negocia tracta.
Nec fines frustra humanos excedere tenta.
Tunc potes uolucrum per iter trānare? sub ūdis
Degere: et obscuris inter delphines in antris.
Sirenes ubi sunt et inertia corpora phocæ?
Vt tibi per spellæa maris per lustra ferarum
Sic quoꝫ per coelos inter consortia diuum
Legibus æternis uita hospitiumꝫ negatur.
Nec fas est homini coelum sperare. deorum
Regna cupis: sedemꝫ tibi promittis olympi
Cum neꝫ brutorum latebris assuescere possis?
Omnia limitibus certis ego sola diremi:
Quos transire nefas. ea uota superflua pone.
Sit tibi cura decor: tua sit tibi cura uenusas

b.iii

Ingenio condita meo dum fingere tento
Calliopes oculos: et uirginis ora Medusæ:
Vtere deliciis: et ne contemne iuuentam.
Nec te finge deam. sed te mortalibus æqua.
Sic natura parens tristem solata puellam.
Altera quæ tales paulum contata loquelas
Hauserat et uafro gressum suspenderat astu.
Affuit: Aurati crines: frons lactea: fulgent
Lucifero similes oculi. rubicunda colorat
Lactentes aurora genas: per eburnea cola
Cæsaries emissâ fluit. toga cætera uestit
Aurea quæ tracto uerrebat syrmate campum.
Coelestis nitet ore decor. sparguntur odores
Ambrosii. crediq; nequit mortalis in illa
Spiritus: aut numen uel non sine numine imago.
Textus inauratæ chlamydi descensus ab astris
Prolis olympiæ: stygios ingressus ad amnes.
Ignea linguarum species: qua spiritus ingens
Intonuît super ora uirum: montisq; relicto
Vertice sideream christus remeabat in arcem
Victor et euulsâ coeco plutonis ab antro
Patrum animæ niueis indutæ nubibus ibant
Aera per liquidum: terram predatus et Orchum
Rex superum tali repetebat regna triumpho.
Gratia nomen habet: cuius prestantia formæ

Naturæ extemplo uisa obscurare decorem:
Non aliter quàm sol maiori sidera luce
Umbrat: et exorients alios exterminat ignes.
Hæc igitur sic orsa loqui. Quid uirginis altum
Deiicis in terras animum natura superbo
Coeca supercilio: rerum te insana parentem
Dicis. et ignoras a quo tua uenit origo.
Nec nosti genus ipsa tuum: tua signa sequuta
Nicomachi proles stellis erymanthidos ursæ
Nauigat ammissis: et naufraga sapius arctas
Flante proceloso borea symplegadas intrat.
Namque aliud uitæ genus immortalis olympo
Noluit esse homini. sed nec te credidit ortam
Nec me uidit inops lucis: mutabile corpus
Contemplata deum sicco pertransiit ore.
Auspiciis hanc usque tuis peruenit ad oram:
Hic sua sopito detraxit carbasa uento.
Dic ubi si nosti comites: primæque christi:
Castra: triumphalesque uiri: qui sanguine claras:
Emisere animas: et qui uicere tyrannos:
Subiecere deo populos. tibi sola reliqui
Corpora et immundos cineres et tabida membra.
Ipsa coronatas coelesti lumine mentes
In sublime tuli: Quare iam desine nugis
Talibus illustres animos inuoluere cæca

Nube tuæ noctis. uersis ita fata recessit
Passibus: at plutei lato natura sub orbe
Virginis in thalamo fertur liquisse pauorem.
Cuius ut agnouit fraudes abscondit amorem
Gratia discedens eius qui frangeret omne
Virus: et auxilio coeptis ingentibus esset.
Protulit ora pavor gelidæ sub imagine mortis
Pallidus: et curuo contractus pectora dorso:
Coecus. et elinguis. trepidus. uix ossibus harens.
Dentibus exertis trunca deformia nare
Ora gerens: et crure labans: et frigore torpens.
Cuius ut horrificam effigiem stygiumq; colorem
Et testudineos uirgo perterrita gressus
Vidit ab aspectu monstri conuersa recondit
Lumina: et admoto texit uelamine frontem.
Tum ualidis ardens animis alacriq; iuuenta
Strenuus et grato pretendens ore pudorem
Virgineum pictasq; ferens in pectore flammæ
In medium prorupit amor: cornumq; repertam
Corripit: et monstri repetito uerbere terga
Pulsat: et iniectis agit extra limina plantis
Vociferans: et fuste petens caput ora manusq;.
Non secus ac fertur si uera est fabula quondam
Infernum domuisse canem Tirinthus hæros.
Calcitrat et manibus tensis auertere cornum

Nititur et faciem monstrum defendere ab ictu.
Acrius instat amor: tetroque in puluere uersum
Execrat indignans: limoque infigit aquoso:
Membraque coenoso sepelit moribunda sepulchro.

Secundæ Parthenices liber, ii.

I
atior et pulsa uictrix formidine uirgo
Ocyus ad templū famulis parat ire uocatis.
Nec mora, festinant omēs et sedula nutrix
Iā lōgeuā ligat crines et uirginis ora
Pallida nocturnæ fumoque afflata lucernæ
Materna pietate lauat: celeresque ministræ
Sepositas uestes adhibent, tyriumque ruborem
Induit: argento limbus circūdatur albo:
Et caput aurato nitidum uestitur amictu.
Iam delubra subit, lucent ardoribus aræ.
Mugitu caua tecta sonāt: strepit undique murmur
Plæbis et astantum. Solio Maxentius alto
Gestit: et elato turbam circūspicit ore.
Regia progenies medium progressa per agmen
Mox oculos in se populi conuertit: euntem
Mirantur cæduntque uia: pellæa iuuentus
Nomina romanis eius patriamque domumque
Auribus admoti narrant tenuique susuro.

Illa mouens gestu pectus faciemq; uenusto
Scandit: et intrepido premit alta sedilia gressu.
Et uicina truce[m] sic est affata tyrannum.
Me tibi Maxenti solitam præferre salutem
Admonuit regalis apex: summusq; paternæ
Maiestatis honor. pieras uiolata repugnat.
Nam colis hæc simulachra deo peritura relicto
Qui tibi solus opes tantas romanaq; patri
Regna dedit: fecitq; maris terraq; potentem.
Nec fuit istius tanti tibi muneris auctor
Iupiter ægiochus creteo pastus in antro
Mortalis quondam uitæ modo lumine functus:
Sed neq; post petri uocem documentaq; pauli
Roma deum nescire potest. sciuer[e] philippi
Et pater et natus: quos funere sustulit atro
Illa hominum suprema lues grauiore ruina.
Raprus ad interitum Decius. millesimus urbis
Annus erat. Tum Roma suos solenniter ortus
Aegit: et accepto celebrauit festa tonanti.
Tunc fuit imperii Christo sacrata potestas
Et tandem sub iura dei translata: piamq;
Tum primum sortita fidem: tunc pulsa deorum
Vana superstitio romani a limine regis.
Non satis est qd̄ mille Ioui seruiuerit annos
Et phlegethonæis se se subiecerit umbris

Gens longo romana iugo .tuleritq; superbum
Imperium stygiæ gentis noctisq; profunda
Nubila .Nunc iterum iuuat ad damnata reuerti
Sacra deum .parere putant prestantius Orcho
Quã superis .diuina pudet mandata uereri:
Delectant inferna magis:nunc tartara gaudent:
Nunc furix exultant:posita nunc Cerberus ira
Motibus alludit cauda .nunc pectore toto
Dulcia ceruleus carpit solatia Pluto
At superum corda ægra gemunt:humanaq; dāna
Palida mutato deplorant numina uultu.
Conqueritur mater natum sparsisse cruorem
Innocuum frustra .passum tot uulnera frustra.
Desine Maxenti superos offendere tanta
Impietate:Scelus Rex o romane quod audes
Suppliciis dignum æternis .Isionis orbem:
Tantaleamq; sitim:Ticii tormenta:labores
Sisyphios:ipsi quibus hæc noua sacra litantur
Iam tibi decernūt stygii tua numina manes.
Finge tamen non esse scelus dementia saltem
Bistonio ridenda seni .Cur cade cruentas
Cur tantis delubra boum mugitibus imples?
Tune deum talí credis placare tumultu?
Tune Iouem fortasse putas reuocare sepulchro
Cantibus his?Quæ te coepit uecordia nate

Cæsaris ut fieri credas boue numina cæso
Mitia? te miserum falsis oracula ludunt
Carminibus. non hac emitur romana potestas
Relligione. pium Christi clementia regem
Hæc ad sceptrâ uocat: mûdas qui sancta per aras
Dona ferat. qui reliquias iouis atq; deorum
Conterat: et pulsâ noua suscitât orgia bobus.
Quid templi molem hæc magnâ miraris et arcus
A tellure procul tanto se attollere flexu?
Hæc hominû fecere manus: magis aspice mundû.
Hoc opus îmortale dei. Tua numina gaudent
Bobus: at immensi uerus dominator olympi
Iusticia pietate fide. quas iupiter odit.
Dona deum magis ista iuuant. sine cæde litâdû è.
Sic ait. ille magis uultum q̃ uerba loquentis
Admiratus agi iubet ad regalia tecta
Seruariq; locis intra penetralia clausis.
Mente scelus duplex agitans temerare pudorẽ
Et uiolare fidem. pacis iam foedere fracto
Belli feruor adest: dant pugnae classica signum.
Persephone regem stimulis irritat: et acres
Cum uenere accendit circum precordia flâmmas.
Vritur impatiens coeci Maxentius ignis
Mens fugit a sacris: et amata ab imagine raptus
Figit humi frontem et curis immergitur altis.

Absentēq; animo uidet alloquiturq; puellam.
Et furit: ut quotiens loetali saucia telo
Cervæ per idæos quærit medicamina saltus
Dictamīq; comam uiridem: quæ uulnere ferrum
Mansa fuget: diramq; auertat corpore pestem.
Cincta satellitibus tali nil territa casu
Ducitur: et domina sequitur uestigia nutrix
Perq; uias urbis perq; omnia compita clamans.
Reddite quo mitem dominam crudelibus armis
Protrahitis? nutrix ego sum. cunabula prima
Ipsa gubernavi. nostris adoleuit in ulnis.
Vbera prima dedi. dulcem mihi reddite natam:
Quam mihi uix bimam mater iam p̄xima morti
Traddidit: et lachrymans erit hæc tibi filia dixit.
Reddite nutrici dominam: uel pignora matri.
Verte tuos in me uultus o nata: tuamq;
Altricem conuersa uide. nihil esse solebat
Me sine dulce tibi: nostros oblita labores
Non audis lamenta parum nec lumina flectis:
Lumina quæ tantum Costus quæ mater amabat:
Lumina sancta domus solatia magna relictæ.
Tunc putas sine te caput hoc et anilia membra
Posse diu superesse? simul moriamur ut una
Viximus: et tumulo pariter condamur eodem.
Flebat ut inuadi cernens a uulture nidos

C. i.

Lactentes imbellis olor. prædator aduncis
Vnguibus et duro discerpit viscera rostro.
Flet pater: et uiridi queritur proiectus in ulua.
Iamque propinquabant tectis: cum regia uirgo
Lumine clementer uerso charissima nutrix
Dixit abi. solare domum: sociasque saluta.
Non ego sum limen posthac uisura paternum.
Euocor ad superos. uos et terrena ualete
Hospitia. obsequiis inopum dodrante relicto.
Partibus æquatis mihi uos succedere mando.
Sic abiens fatur. luctu domus omnis acerbo
Solvitur: et moesto pallet uicinia corde.
Luget inexhausto lachrymarum flumine nutrix
Anxia: et immotis manet ipso in lumine plantis:
Crudelemque uocat regem et crudelia recta.
Diripiunt aulae nurus: tristesque ministri
Ferreæ cōuoluunt bifores ad limina ualuas
Desertæ signa atra domus. suspiria totis
Aedibus alta sonant: æger tenet omnia moeror.
Interea sancto metuens Catharina pudori
Atque sciens quali regum impetuosa libido
Ferueat affectu tali prece numina pulsat.
Sancte pater sancti genitor castissime nati
Cernis ut abrupto lupo infidiator ouili
Hanc extorsit ouem coecoque incluserit antro.

Iamq; aderit: iamq; inuadet ioue plenus: et omne
Attentare nefas adiget uenus atq; cupido.
Nil superest opis humanæ: uia clausa saluti
Vndiq; terrenæ. tua sola potentia nullis
Clauditur obicibus. nostro succurre dolori.
Atq; pudiciæ uento rege uela secundo.
Audiit orantē coeli regina puellam:
Et se qualis erat primi post tempora partus
Obtulit infantem niueis complexa lacertis
Tecta sinum bisso gradiens in uestibus albis
Et croceum capiti serum de uelere tegmen
Qđ uiridi premitur strophio: cum uirgine fatur
Plena uenustastis procera iuuencula uirgo.
Stant utrinq; leues animæ: quas Iride uestit
Multicolor nubes: pingitq; simillima nostris
Oribus ora: pares decor imbuit aureus alas.
Et sic orsa loqui. tua me suspiria uirgo
Deduxere polo: ne sollicitere. pudoris
Sum tutela tui. Sed quo segura quiescas
Tolle manum. sibi perpetuo te copulat infans
Connubio christus. nurus es mea. pone timorem.
Sic ait: et fuluo digitum puer induit auro
Qđ moriens seruabat adhuc: qđ clausa sepulchro
Immortale tenet diuini pignus amoris.
Hic neq; Gnosiacæ sequimur figmenta coronæ:

c. ii.

Vlla nec in nostro regimus mendatia uersu.
Vera sed amplectens rei miracula gesta
Historiamq; canēs fidei monumēta reuoluo.
Et iam turba deum sacris dimissa peracris
Cum celer ausonia pelago delatus ab urbe
Nuncius enarrat regi diademate patrem
Deposito regni sceptrum cēssisse Galero:
Lucanosq; lares tacitiq; silentia ruris
Et nemorum suaues umbras: ubi mobilis aura
Temperat ardentem placidis afflatibus æstum.
Præposuisse graui imperio: et splendoribus urbis.
Æruaq; et alcinoi tutam legisse quietem.
Atq; per irriguos fontes et florida prata
Murice neglecto tristem oblectare senectam.
Lætitiā subitus dolor occupat. ora tyranni
Plumbeus inuoluit color. et patuere latentis
Ingentes animi fluctus sauiq; dolores
His curis extructa uenus: furor auctus et ira
Acri bille tumet: nutritq; in pectore uirus
Pessimilis pullo qui dum inconsueta recusat
Frena pati: rodit morfu indignante lupatum.
Post epulas largo paulum exhilaratus hiaccho
Captiuam iubet adduci spectacula mensis
Rex petulans lasciua uolens præbere secundis.
Illa solo fixis oculis uestigia lento

Tarda mouens gressu prono regi annuit ore,
Cuius ut effigiem claram uidere decusq;
Indolis egregia tenuere silentia cuncti.
Et riuum uidisse putant aut ora mineruæ.
Ad quam rex solio paucis ita fatur ab alto.
Mane deum nostras tenuerunt orgia mentes:
Nec potuere tuis adhiberi uocibus aures.
Dic age nunc quando positis conuiuia curis
Lata uoluptates animorum et gaudia poscunt.
Aede genus patriamq; tuam nomenq; paternū.
Illa manum crucis instar agens sic incipit ore,
Non ego iactandi studio primordia gentis
Clara mea referam titulosq; et nomina: quando
Rex romane iubes: genus est illustre meorum:
Maiores etenim sceptrum gessere: mea;
Sunt reges in stirpe decē: Lagus omnibus auctor
Primus alexandri miles qui condidit urbē
Et quæ regna uides: et Alexandræa uocauit
Moenia: post celebres pugnas asiaq; labores
Huc uenit cum rege Lagus: ptolemeus ab illo
Nascitur a uili proles generosa parente
Sicut ab exigua descendit origine flumen
Marius. hic ægypti lybies arabumq; potitus
Imperio quondam. mansitq; in stirpe nepotum
Ducentos quadraginta super nisi fallimur ānos.

C.iii

Ast ubi romanam superis extollere gentem
Et libycas uisum bellis ardentibus urbes
Vertere mutati reges. Tum regia proles
Interiit. tunc arua meus uicina tenebat
Aethiopum campis atauus prefectus Erembis
Dux animis armisq; potens: regi q; propinquus.
Sanguine supremi uigilans custodia regni.
Qui postq; sero audiuit sublata suorum
Sceptra dolens longe aethiopum secessit ad urbes:
Et persæpe pater regina Candacis: illo
Contriuit ductore uagos garamantas et acres
Massilum populos: arabumq; per aquora classem
Duxit: et Indorum spoliis remeauit honustus.
quartus ab hoc Costus gēit or mihi doctus et ipse
Militiā: uerum patriæ telluris amore
Ductus ad antiquos rediit cum prole penates:
Argentiq; tulit secum graue pondus et auri.
Tandem huc aduectus tectū mercatur et agros:
Atq; clientellis clarus fama q; parentum
Primus in urbe fuit: romanaq; castra sequutus
Semper in ausonijs senuit fortissimus armis.
Hinc genus ipsa traho patri nata unica Costo.
Et generis tanti soboles ego sola supersum:
Multa dies alios longatuaq; sustulit aras.
Hac est orta patrum soboles hac desinet urbe.

Sic genus et patriam nostri nomenq; paternnm.
At postq̃ uita functi cecidere parentes
Ne lasciua meam macularer inertia mentem
Ad studium duplex curas et pectora uerti
Fonte salutes christi suscepimus undas.
Et mea lustrali deus abluit ora lauacro.
Ipse uir ipse pater. castum sacrauimus illi
Corpus: et elabens annis uelocibus æuum:
Hæc mihi prima salus. teneris me Costus ab annis
Tradidit eloqui studiis: et misit ad urbes
Cæcorpias. uidi thebas dirceaq; rura
Attica regna solum pelopis lacedæmona claram
Legibus: et quondam bellis ac Marte potentem.
Atq; Therapneos saltus helenæq; penates
Minoisq; domos: præruptaq; saxa corinthis.
Et Rhodon illustrem phoebo statuaq; superbam
Marmorea: et lyndi sacris atq; Herculis ara.
Vidimus et delphos dodoneasq; columbas:
Cortinam tripodas phœbi pythoniaq; arma.
Cycladas et thraces troianaq; uidimus arua.
Atq; omnem lycii graia rate legimus oram
Littoris: ausoniis mox preceptoribus usa
Facta tuæ gentis didici: totumq; latinis
Viribus et bellis attritum ingentibus orbem.
Regna Britannorum Germanorumq; superbam

Progeniem: scythicas alpes hircanaq; longe
Littora: et Euphraten: nabatheaq; rura: Syenem
Er libycas arces: et qua iuga porrigit Atlas
Maximus inuasit romanæ gloria gentis.
Cæsareos procures et quarti sæcula regni
Atq; tot illatam crudeli uulnere mortem
Principibus legi mores et furta deorum:
Et tandem nihil esse dies mutabilis æui
Dæmonas esse deos et totum ambagibus orbem
Constat in errores ductum: nullamq; saluti
Esse uiam nisi per christi documenta fidemq;
Sic arabum libri sic uult iudæa uetustas
Sic quibus et uestri credunt cecinere sibyllæ.
Quo magis admiror uos qui terræq; marisq;
Regna gubernatis: quorum mutabile uulgus
Ducitur exemplo tam claro errore teneri.
Et tanta simulachra deum ambitione tueri:
Et statuas horum diuino extollere cultu
Quorum uita fuit scelerum sentina: Quod Io
Nostra. quod ichneumon: et qđ larrator Anubis
Accipiter felles Bos oxyrrhynchus et ibis
Numen habet: taceo martem phoebumq; iouēq;
Quorum tanta canunt uestri miracula uates.
Hi stygios ideo metuunt iurare per amnes
Quod stygius mersi stagnis altaq; palude

Dant scelerum atroces iusto sub iudice poenas.
Veridicum uero christum sine crimine cuius
Vita fuit nigro manes qui traxit ab orcho
Qui cœcas hominum mentes et lucis egenas
Lumina restituit: siccisq; liquentia plantis
Aequora calcauit: fugitis. reuocare memento
Rex romane pedem iusti trans limina lapsum.
Talibus orantem uerbis mirata sedentum
Lecta cohors ciues pharii procereq; latini.
Inspectusq; magis sexus dicentis et aetas.
Illa etenim tersena fuit supremaq; brumma.
Rex tamen implicitus diuorum ambagibus ægre
Dicta tulit. mandat uinclis et carcere claudi:
Affligiq; cibo tenui. uix fluminis unda
Vix simplex concessa ceres. inclusa tenebris
Orat: et in magna uersatur luce per umbras.
Sedula persephone mendacis imagine sumpta
Pincernæ Ichthyboli cui uox obscura procaxq;
Ingenium. tumidæ fauces: turgentia labra:
Diffusæq; aures et nasi plurima moles:
Signa uiri excordis missaq; furentis habena:
Pes breuis: et grandes proceri corporis artus:
Angustumq; caput: frons multo obscura capillo.
Hic erat in magica regi comes unicus arte.
Fatur: et obscuris uocem de naribus haurit.

Virginis unius qđ tanti pendimtis ora
Rex romane, rudes inter facunda uideri
Garrulitas indocta potest, nos proelia docti
Militiamq; sumus, si dimicet ense uel hasta
Nemo ex hoc numero tali fugiturus ab hoste est.
Verum hoc non ferro bellum sed uoce gerendū.
Nemo ē omnis homo: non omnes omnibus artes.
Collige finitimis claros ex urbibus omnes
Rhetoras: et quibus est romanæ copia linguæ.
Audiat hos mulier de relligione loquentes:
Et pudeat carpsisse deos: explosa Dione
Aeneadum matri et nostro det thura Quirino.
Si neget: impietas ferro plectetur et igne.
Persephones omni placuit sententia mensæ
Et simul a toto coetu laudata sedentum.
Nam soliti ludos celebres inferre theatri
Talia romani curant spectacula ciues.
Mittitur ad Solymos: ad Idumeos: et Erembos:
Ad claram Zenone Cyprum: licet æquora uentus
Tollat: et albentes ueniant ad littora fluctus.
Regia contemnit leges et frena libido.
Mititur ad Schediæ campos: Mendesiæq; arua:
Hermopolisq; lares: ad aquosam Naucratis oram
Necropolim: et claram Menelai classe canopum:
Qui uocet eloquio insignes fandiq; peritos.

Proemia uictori statuit uasa aspera gemmis
Aurea: purpuream uestem lauriq; coronam.
Interea cupidus regni Maxentius alto
Corde uoluitabat Romam. cupit ire per undas,
Nauigio celeri: patria q; inuadere fines.
Sed picæ nubes et hyems contraria nautis
Impediunt cursus. Aquilo bacchatur: et Eurus
Importunus agit pluuias: freta concita clamant
Nec spes ulla uia superest nisi uere reuerso:
Nam q̄q̄ hybernis nonnunq̄ tuta diebus
Aequora sint dubio tamen inconstantia coelo.
Propterea inflatum rabies abscondita pectus
Rodit. ab imperio exclusum dum se uidet undas
Execrat: et uentos et singula numina ponti:
Dorida q; et natas: cum matre palamōa. Glaucū.
Prothea. et oceanum cum coniuge. uela ratesq;
Concitus in mitem parat eructare puellam
Conceptum uirus: tacita q; incenditur ira.
Non secus ac circumpositis hastilibus ardet
Caruleus serpens: et aperta fauce uenenum
Colligit. igniuomisq; oculis atq; auribus altis
Sibilar. et terram diffundit in aera pestem.
Sic furit impatiens casar. inuat ignibus ignes
Persephone. modo nycteridē modo nycticoracē
Fugit: et hoc acri premitur Maxentius oestro.

Perdus et perniox. animum quoq; somnia uexat.
Arduus æoi mons est titanis ad ortum
Mons asie libyæq; sedens cōfinia iusta
Et quasi cōmunis limes caput erigit altum
Assyrios arabesq; uidens ægyptiaq; arua
Vertice de summo. Calium dixere. sepulchro
Romulidæ magni et celebri iouis indyctus æde:
Huc oblectanda studio per littora mentis
Fertur equo Caesar. triduoq; in rupibus altis
Delituit magicis exercens carmina signis:
Ichthybolusq; comes: tenuiq; abscondita nube
Persephone et tacito profert mendacia risu.
Interea coniunx uultu uerbisq; puellæ
Capta moras non fert: sed mox absente marito
Opportuna uidens data tempora nocte silenti
Cum duce porphyrio qui prestantissimus armis
Cyrene prefectus erat: sed uenerat illis
Milite cum multo sacrum ad solenne diebus
Tendit ad horrentes obscuri carceris umbras
Et tenui densam superat uix lumine noctem
Ignis: anus cornu clausum quem preuia gestat.
Hostia claudebant: aditum tria ferrea magnis
Vectibus: et squallere situ locus ante solebat.
Terrefico. nigra fornix caligine tinctus.
Humidus: et nitrea paries lanugine candens.

Marmorâq; assiduum sēper lachrymāntia rōrem
Et iam cardinibus primo de limine uersis
Impulit ignotus nares odor omnia uīcens
Quæ reges unguenta syri persæq; solebant
Delitias inter gemmis includere et auro
Talia seu mallent proprios seponere in usus
Seu dare natarum muliebri scrinia mundo.
Mox rimis illustre iubar clarescere uisum
Quod duplices abigat noctisq; et carceris umbras
Attoniti pressere pedes. et lumine tecto
Auribus arectis pendent: audire loquentes
Concentum q; lyrae exilem uocesq; canentum
Pertenues uisi. Raptæ dulcedine mentes
Per longas immota moras uestigia figunt.
Talia coelestes animi solatia castis
Indulgere solent: terræ contagia postq̃
Dedidicere graui scelerum de turbine sanctam
Deducti ad mentis requiem atq; silentia claustra.
Prolata mox luce fores referantur: et ipsam
Compedibus uinctam duris gelidaq; grauata
Mole catenarum et graui inter saxa iacentem
Ieiunam tremulamq; gelu uidere puellam.
Quod neq; myrmidonum q̃sq; dolopūue nec ip̃e
Phallaris aut duri miles busiridis ausit
Non diomedeus stabula inter sua minister

d.i

Hoc ferus infandi sceleris Maxentius auctor
Indignus qui uiuat agit. Clementior ipso
Crudeli regina uiro charissima uirgo
Dixit in has tenebras quæ te fortuna redegit?
Cur tali ærumna tantoque horrore sepulta es?
Quis tuus iste deus qui te tam tristitia iussit
Vincla pati? Cur uis teneræ miseranda iuuentæ
Perdere felices istis cruciatibus annos?
Ad quam subridens oculis cum uoce leuatis
Virgo ait: infectæ fulgenti murice uestes
Ante cadis rapidos ignes patiuntur ahenis
Quā celebres usus habeant: regumque ferantur
In thalamos. prius accensis fornacibus aurum
Soluitur in riuos et multo uapulat ictu
Quam gremio suaues epulas et uina capaci
Accipiat. multo subiguntur uerbere farra
Ante fatigatis quæ sint alimenta colonis.
Mens humana sui sub inertis pondere pressa
Carceris et terræ latitans in mole caduca
Non nisi per luctus et lamentabilis æui
Supplicia æternos mundi fortitur honores:
Non aliter fecis luteæ contagia possunt
Abradi: imbibitas sordes animoque receptas
Hæ referant artes: nec te regina uoluptas
Si ueri tibi cura boni: si cura salutis

Perpetuæ fallat: blanda sub imagine semper
Ingreditur. nardi succos unguenta sapes
Mellifluos præfert uultuq; applaudit amico.
Sed nihil est sine fraude: latent sub melle uenena:
Quæ postq̃ imprudens biberis fugit illa repente
Lata dolis. manet infixum sub pectore uirus.
Dic ubi nunc illæ: quarum uulgata theatris
Crimina' conculcât probitatem humanaq; corda
Mortiferis abigunt studiis. Briseis. Elisa.
Phyllis. et Oenone. Sappho. Chryseis. et Helle.
Tyndaris. et mater. Medeaq; Pasiphaeq;
Atq; meæ Cleopatra domus graue d̃decus? omnes
Vt duxere breues foedis in sordibus annos
Ad stygios uenere lacus: terraq; sub umbras
Forma uoluptates et opes et gloria regni
Non ualuere sequi dominas: post funera nulla ē
Disparitas animis: nisi quam dum uescimur aura
Disparitas morum inducit. si cernere fas sit
Aethereos regina lares et limina diuum:
Occidet omnis amor uitæ mortalis: et ultra
Nulla dies posset curis abducere uanis
Altius afflatam diuino numine mentem.
Nec nisi per multos uoluit deus esse labores
Ad sua regna uiam. nec sidera segnibus offert:
Sic nos ipse suo noster princepsq; paterq;

d. ii

Admonet exemplo christus: qui brachia ferro
Transfigenda dedit: plantasque et pectus apertū.
Ipse uidens hominem antiquis erroribus actum
Immersumque altis tenebris non posse reuerti
Ad coelestis iter patriæ: et simulachra deosque
Marmoreos colere et uili se credere ligno
Venit in hos artus: et aperto lumine noctem
Abstulit horrendam: atque uagos collegit in unum
Iusticiæ et fidei callem quo sancta nepotum
Posteritas adiuta domos intraret olympi.
Sed tuus hic cæsar diuum responsa sequutus
In uerum mouet arma deum: multosque trucidat
Christigenas: qui mox ut deseruere caducū
Corpus in ætherios ignes et sidera tendunt.
Ipse autem infelix omni que miserrimus æuo
Se grauibus mergit poenis: et more gigantum
Pugnat ut excelsos trahat in sua pectora montes.
Nunc delubra iouis nocturna que consulit extra:
Et sibi promittit sceptrum tarpeia que regna
Ambit: et ignauo sperat succedere patri.
O fragiles curæ o dominandi insana libido:
Quot lacrimis nuribus lachrymas quot funera romæ
Quot cædes dabit illa dies: cum dignior ipso
Missus ab occasu princeps insignia christi
Qui feret ommissis, aquilis latissima solus

Regna gubernabit. christoq; auctore potitus
Imperio christi leges extollet ad astra.
Vir tuus arma ferox capiet: sed Marte sinistro
Corruet: et tristes erebi rapietur ad umbras.
Quare age ne nostros luge regina dolores:
Sed magis arumnas et formidanda mariti
Damna tui: prolisq; tuæ: stragemq; tuorum.
Namq; ego si paulum afflicto sum corpore pressa
Nil tamen est in me flendum mihi: sidera carcer
Parturit iste mihi: faciunt tormenta beatam
Et iam finis adest: noctem iam terminat ortus.
Lucifer: et clari facies aperitur olympi.
Sic ait. auditas quasi quædam oracula uoces
Cum duce Porphyrio uoluens regina sibyllam
Coelitus afflatam nec uerba humana sonantem
Extimat: et paucis sic est affata puellam.
Credimus o uirgo coeli te arcana tenere
Nec te tanta pati nec te sine numine fari.
Credimus et christo tecum: uolumusq; salutis
Participes tantæ fieri. Clarefcere Christus
Incipit: et totum late regnare per orbem.
Omnia christus habet: ruber omnis sanguine tellus
Innocuo. memini Romæ uidisse gregatim
Christigenas duci: et quosdam periisse ferarum
Morsibus: et quosdam gladiis: in flumine quosdã.

d.iii

In mare complures fodienda ad marmora missos.
Flumina terra fretum fuso sacrata cruore
Numen habent christi: debetur et omnia christo.
Vidi ego Cæciliæ poenas: et flebile sanctæ
Funus Anastasiæ uidi: Euphemixque dolores.
Tyburti fratrisque necem. Crudelia nobis
Vulnera Chrysogoni ueniens narrauit ab Istris
Nuncius: et fateor lachrymæ cecidere tepentes.
Hippolytus laniatur equis. laurentius ardet.
Nec superare uirum flammæ neque ferrea possunt
Verbera: sic emitur coelum: sic inuidus orchus
Vincitur: et nulla esse potest uictoria maior.
Iam mea terruerant crebræ corda intima mortes.
Et tanta horrebam passim lamenta: uirumque
Sapius increpui: uerum furibundus et atrox
Nec seruare modum miseris neque parcere nouit.
Viderit ipse suam sortem. Nos castra subimus
Christe tua: et posthac tua numina sola sequemur.
Paucâ pati sarius: breuibusque æterna parare
Gaudia supplicis: quæ dum fugientia frustra
Complexi bona conamur retinere laborem
Perdere: et infernos demum descendere ad amnes.
Sic ait. et rubro surgebat ab æquore fulgens
Lucifer: et Casium rutilans aurora cacumen
Luce colorabat crocea. Regina comesque

Porphirius fletu madidi rediere per umbras.
Nona dies aderat, turba stridente tyrannus
Affuit: at decima subierunt moenia luce
Rhetores acciti uerborum ambage parata.
Arduus ad leuam portum subeuntibus alta
Rupe locus surgit pharia contrarius arcu
Vnde licet totam claris prospectibus urbem
Subiectasq; rates sinuosasq; littora portus
Et procul in Cyprum fluctus spectare natantes.
Hic fuit Antoni cum iam Cicerone perempto
Victus ab Augusto ciuilia poneret arma
Regia: mox iterum renouata in littore pugna
Fractus in has fugit latebras: noua moenia Caesar
Nicopolim dicens statuit: monumentaq; uictor
Indyta pelleis posuit contermina portis.
Hic igitur positis amplissima sedibus aula
Cingitur aulaeis: longo uelamina tractu
Accipit et picto paries uestitur amictu.
Hic Ninus et coniunx sexum mentita uirilem
Coctilibus muris babylona Semiramis ambit.
Assyrii reges persæ mædiq; sequuntur.
Hic Cyri genus et pugnae funusq; cruentum,
Et Thomiris uultu scythia regina superbo
Sanguineum regis caput insertabat in utrem:
Id quoq; subscriptum grais epigramma figuris

Debita sanguineo mors sanguinolenta tyranno .
Hic Iouis et Semeles gangetica filius arua
Vastat: et imbelles inuoluit cædibus indos.
Miles Alexandri longinquum natigat æquor:
Diues et emissis petitur Taprobana mergis.
Namq; polus gemina qui circumscribitur arcto
Occidit: et gelidos illic non porrigit ignes.
Sidera sunt illi nobis incognita coelo
Quæ diuersa creant illis animantia terris
Diuersosq; hominum mores aliumq; colorem.
Quando dies illis oritur densissima nobis
Nox silet: et medio uoluuntur sidera lapsu.
Huc igitur romana cohors cum rege latino
Septaq; multiplici regina satellite uenit
Certamen uisura nouum: et sine nomine turba
Plurima. Substratis aurata tapetibus alto
Fulget sella loco: quam tuix Maxentius ostro
Splendidus et gemmis late rutilantibus intrat.
Quinquaginta acres animis linguaq; disertis
Rhetores ad leuam positum ascendere tribunal.
Pellitur e medio uulgus: sedere latini
Ad dextram procures. lagida tenuere sinistram.
Ordinibusq; silent completa sedilia longis.
Ingreditur uirgo tanti carminis auctor
Quã circū magno Nasamon strepit agmîe licitor

Gens fera gens immanis agens ex æquore predas
 Cum miseros aquilo iacit in uada syrtica nautas
 Splendida lucifero similis Catharina nihilq;
 Extenuata fame et roseo spectabilis ore.
 Nam deus ut sæui torqueret pectora regis
 Illius ambrosia uultum frontemq; comasq;
 Tinxerat et totam coelesti afflauerat aura
 Iussa sedet. trabs alta ligat pendentia pugnae
 Proemia: stant uersis arrecti uultibus omnes.
 Cuncta silent: regis nutu data copia fandi.
 Talia tum primus sumpsit primordia Rhetor.
 Maxime romulidum Cæsar: quem iupiter unum
 Deligit: immensi cui sint consortia regni.
 Non ego dicendo laudes æquare deorum
 Posse puto: neq; enim fas id mortalibus ullis.
 Sed ne tanta leues uerbosa licentia linguas
 Inflet ut in superos passim conuicia iactent
 Pauca loqui suasit pietas: causamq; tueri
 Coelicolum: qui te Cæsar romanaq; regna
 Præcipuis tollunt studiis. qui barbara tandem
 Ausoniae sanctis domuerunt legibus arma.
 Maximus hic orbis gemino qui nititur axe
 Quem decorant æterni ignes: quem circuit ardēs
 Lumine perpetuo Titan germanaq; phoebe
 Nil ioue maius haber, sedet alto in uertice mundi



Tartaraq; et terras complexus et æq̃tor et auram
Imperio xterno regit omnia iupiter implet.
Omnia mente gerens animo procul aspicit omne
Tempus: et incumbens cubito uigil excubat: ipsi
Nulla quies et summa quies: ab origine factum
Seruat opus: sem̃p̃q; nouis noua corpora formis
Suscitat: ex astris animas uitalibus haurit
Quas in membra pluat: mox uitæ munere fūctas
Euocat ad coelos iterum. post tempora soli
Nota sibi rursus emittit rursusq; reducit
Hoc opus est qđ fine caret: sed summa uoluptas
Ipsi operi coniuncta quies æterna uocatur.
Ipse sibi tantæ molis ne solus habenas
Flecteret ut tanti facerent communia regni
Gaudia progenuit natos: quos sustulit inter
Sidera ut ex alto curent mortalia coelo.
Sic uenus et pallas sic mars seriesq; nepotum
Surgit: ut Aeneas et Romæ conditor urbis
Romulus: et claro stellatus in æthere Cæsar.
Indigetesq; alii: quorum tutela iacentes
Mittitur in terras. Meritis pro talibus ipsi
Cum dare nil melius possint fumantibus aris
Thura ferunt homines: onerantq; altaria donis.
Templa locant: tantoq; deos testantur honore.
Hinc Ephesi moles. dodoneaq; columbæ.

Hinc hammonis opus clariiꝑ oracula phoebi
Et lyciæ sortes: et delphica phocidis antra.
Namꝑ hominū miserata graues pia numia curas
Dant uariis respōsa modis. instantia bella
Insidias pestemꝑ monent casusꝑ sinistros
Ingruere. humanis nunq̃ tacuere uocata
Suppliciis. tumidus Mædo cum milite graios
Opprimeret Xerxes miserantum oracula diuum
Vincendi docuere uiam. cum punica bella
Cladibus innumeris italos romanaꝑ regna
Concūterent diuum phrygio de littore mater
In latium translata grauem sedasse tumultum
Dicitur: auspiciisꝑ dex uicisse latinos
Et nedum eiecisse suis de finibus hostem:
Sed libycos etiam ferro flammaꝑ penates
Vastasse: atꝑ armis birsam euertisse potentem.
Quid referam auxilio iouis et iunonis ab arce
Deiectam senonum gentem: et capitolia forti
Diuorum protecta manu: pestemꝑ repulsam
Moenia cum phoebo satus atꝑ Corōide nympha
Versus in effigiem colubri romana petiuit:
Quo fit ut impietas atꝑ irreuerentia diuum
Sit scelus horrendum: et nullo delebile sacro:
Sacrilegas odere manus: odere superbos
Numina. Tantalidis natos latona peremit.

Iupiter anguipedes congestis montibus ausos
In superos tentare uiam. curruq; uolanti
Eolidem aggressum tonitru simulare fragorem
Fulmine deiecit. toruq; Lycaona regem
Induit ora feræ. nudus cute Marsya phoebum
Repperit ultorem. temeraria sensit Arachne
Pallada cecropiam. mentitæ pergama troiæ
Ira tridentiferi perterritu Enosigei.
Sed quid ego annitor phoebo supaddere lumē?
Ista satis fulgore suo sententia nota est.
Et scelus a superis habet et sua proemia uirtus.
Quare age conceptum uirgo deponere furorem:
Nec tentare deum genus infelicitè aude.
Est thalamis prelata uenus prelata puellis
Nubilibus. tædas nisi sis pertesa iugales
Sit tua cura uenus. qd si seruare pudorem
Virgineum mauis tibi sit tutela Dianæ.
Numen utrunq; pium. tua q iam possidet orbē
Vota secundabit casar. quid pallida moeres
Pone metum uirgo infelix. resipisce parumper.
Pro generis splendore tui connubia casar
Clara dabit. nam te Lagidarum a sanguine ductā
Cōmemorant. proauos semenq; imitare paternū
Et cognosce deos quos agnouere parentes
Ante tui. quisnam nugas persuasit aniles

Vt genitum obscura segniq; propagine Christū
Numen habere putes? mundus coniurat in omnes
Christigenas. iam terra rubet iam sanguine pōtus
Spumat: et ex toto genus hoc exploditur orbe.
Et tu docta bonas artes fata sanguine regum
Et formæ splendore nitens: gratissima tantis
Principibus magnæ domino gratissima Romæ.
Et modo florentes annos ingressa iuuentæ
Sponte tibi mala tanta paras? uis ferre latentes
Carceris obscuri tenebrās. uis ferre catenas
Extremamq; pati sæua inter uulnera mortem?
Ah miserere tui saltem: miserere tuorum:
Desertæ miserere domus. lamenta precesq;
Ne contemne tuæ gentis. depone rigorem
Marmoreum uirgo. nec contra iura deosq;
Foemineas extende manus. tibi gloria uictæ
Maior erit q̃ uictrici. spes unica tanti
Sanguinis extingui prolem patiēre tuorum?
Carminibus tua corda malis possessa retardat
Christus: et haud cōpos mentis cognoscere sancto
Non sineris monitus: sed mox ut martis ad arams
Numen adoraris pulsa calligine tollet
Libera mens oculis. et te tua limina lato
Accipient uultu reducem. qd lenta resistis?
Rumpe moras. nec te clementia Cæsaris ullum

e. i

Ad scelus inuitat: nec ad importabile pondus
Urget: opus leue iucundum. laudabile sanctum
Imperat: id procures optant. id supplicat omnis
Vrbs tua. Quid tantis et sola et foemina uotis
Non parere potes? da thura calentia Marti:
Dux tibi Cæsar erit: nos te comitamur euntem.
Sic ait: et Cæsar nutu assentitur et ore.

Secundæ Parthenices. Liber. iiii.

r EGIA Progenies fixis immota manebat
Luminibus turri similis quã saxeæ moles
Sustinet: atq; omnẽ fert icôcussa pcellã.
Et tali assurgens sermone silentia rupit.
Si mea mens ullo poterat sermone moueri
Hoc fateor compulsæ foret: namq; omnia rhetor
Attigit humanum quibus est mutabile pectus.
Et factum satis est arti: si inuicta remansi
Diuinæ hoc uirtutis opus: si numen abesset
Victor erat: grauius potui succumbere dictis.
Victrices habeant lauros prolataq; pugna
Dona: ferat uirtus et non fortuna coronam.
Quoad potuit fecit: potui sine numine uinci.
Sed mihi numen adest quo mens arrepta moueri
Nescit. ad Euphratem potius sua flumina mittet

Eridantis : Thyberim Tagus ifluet: Abdua Nilū:
Ante et Pyrenes Rhodope iuga mitti ad arces:
Taurus ad Atlantem fugiet: Carmelus ad ossam:
Quā mea sanctus amor Christi præcordia liquat.
Quā marti et gelidis ponam libamina saxi.
Nec superos odi nec numina sancta nec aras
Numinibus sacras, uerum quæ numina uanum
Vulgus ait tenebrosa sequens uestigia patrum
Numen habere nego: teneat si iupiter arcem
Aetheream quis templa ioui quis sacra negabit?
Spōte ego thura ferā, Veneris (si numē haberet)
Numen adorare. Phoebum sequar atq; sororem
Si soror et phoebus dei sunt, uenerabimur aram
Palladis æthereo pallas si nata cerebro.
Impius et mergi dignus phlegethonte sub imo
Sacrilego quicunq; deum sermone laceffit,
Sed uetus et toto iam uulgatissimus orbe
Mortales inter miseros efferbuit error
Atq; aliter q̄ res habeat sentire coegit:
Somnia nec refero: sed qđ narramus aperta
Monstrari ratione potest. Dic optime Rhetor
Quis fuit ante iouem: qui lucida uolueret astra?
Qui regeret coeli cursum: qui clauderet undas
Littore: qui lato uestiret gramine campos?
Mundus enim fuit ante iouē: qui raptus ab ipsa
e.ii

Fauce patris coribantum opera translatus ad Idā
Gnosiacasq; domos creteo creuit in antro.
Iupiter est igitur proles humana:propago
Est humana iouis:nullum fecere qđ ipsos
Esse deos testetur opus.furta arma rapinæ
Stupra doli fraudes opera hæc preclara deorum.
O insanæ hominum mentes:quæ credere diuos
Artibus his factos potuere:ardentis olympi
Artificem fecere hominem:dementia nulli
Admitenda uiro.Deus est æternus:et ingens.
Nec cōphensus adhuc:nec quæ cōphēdere possit
Mens est ulla deum.Simplex essentia nullis
Intercepta locis non circumscripta figuris.
Vnus et in plures nunq̃ diuisus:ab omni
Condicione procul nostra.mortalia nedum
Omnia uerum etiam uincens coelestia longe.
Solut hic immensum fecit non iupiter orbem
Quicqd hēt phlegethō qcqd caua uiscera terræ
Quicqd inest pelago qcqd secat aera pennis
Condedit:et solus totum hoc opus ipse gubernat.
Quæ narras de prole iouis de stirpe deorum
Scanica sunt leuibus uulgo recitanda poetis
Exhibitura iocos populo plausumq; theatro.
Iupiter et proles ita sunt in sidera lati
Vt fera syluosa nemees:ut portitor helles

Portitor Europes. Auriga. et Iasonis Argo.
Pegasus. arctophilax. et raptis miluius axtis.
Casareusq; thronus. coma regia. procyon. urſa.
Coruus. olor. lepus. ara. canis. lyra. cācer. et urna.
Atq; alia coeli formæ: quas gracia mendax
Finxit: et audaci uatum facundia cantu.
Non ita naturæ speculati arcana ſagaci
Ingenio ſenſere uiri: quos attica tellus
Quos iudæa tulit babylonq; antiqua magorum
Clara rudimentis: bragmanarumq; repoſto
Ora iacens mundo nudis uicina ſophiſtis.
Primus Anaxagoras quadam coeleſtia dixit
Mente regi. non ille iouem non ille mineruam
Non Maia Semeleue ſatum præfecit olympo:
Non hominum quæq; breuibus qui tanta lacertis
Corpora perpetuo nequeat conuoluere gyro.
Aethica cæcropias docuit qui primus athenas
Inſignis uirtute ſenex ſimulachra deoſq;
Riſit: et hic ſophiæ princeps ab Apolline ueſtro
Dictus. et iccirco iuſſus potare cicutam.
Matre Perictonia ueniens a ſtirpe Solonis
Clarus Ariſtocles humeris plato dictus ab amplis
Cum comite Eudoxo noſtrâ peruenit ad urbem.
Quicqd ab habramo noſtri didicere parentes
Tranſtulit ad graios: et ab his Academia terris

e. iii.

Orta deos plures aufert. unumq; fatetur
Artificem mundi dominatoremq; deumq; .
Magnus Aristoteles hominum figmenta perosus
Lyncea in aethereos attollens lumina tractus
Vidit in hac unum mundi testudine numen
Et coluit. patrios ideo fugisse penates
Euboicosq; lares fertur petiisse: diemq;
Calcide supremum longa clausisse senecta.
Hic deus errantes miserans in imagine nostra
Venit: et istorum fraudem detexit et artes
Spirituum sacros quibus indulgetis honores.
Hic deus. hunc unum colimus. uobisq; colendū
Dicimus. At plures luci praeferre tenebras
Et coelo phlegethonta uolunt: et funera uitae.
Huius in aduentu uester trepidauit Apollo
Squallidus: et uultu radios contraxit opaco .
Tum cecidere deum statuæ: simulachraq; miris
Sunt contrita modis. uestri meminere parentes.
Hunc solymi uates perhibent uestraq; sibyllæ
Sacula facturum lustratis aurea sacris.
Huius ob imperium aeternum promissaq; genti
Regna suæ nec forma meos nec sceptræ nec ætas
Sollicitant animos. bona nec mortalia tanti
Ducimus. hoc etiam uestri docuere poetæ.
Nam quid Lyriopes et grai filius amnis

Vos aliud docuit .fragilis q̄ noxia formæ
Blandimenta malis præbere incendia curis
Et sibimet nec solum aliis inferre uenenum
Et quid opes aurumq; Midæ monuere? qd ausus
Quid phaethōris equi? nisi qd uota improba regū
Diuitiaq; abeunt pessum .secumq; ruinis
Inuoluunt grauib; reges regumq; ministros?
Dicite .Plutoni ueterum prudentia uatum
Cur subiecit opes? forsan quia uiderat aurum
Ex ima tellure trahi .sub montibus altis
Aes latet .argenti decor est in uiscere terræ.
Betica testatur regio Pactolus et hermus
Astipulantur .agunt etenim flauentis harenæ
Diuitias .fuluumq; trahunt cum piscibus aurum.
Et quia sub terris ditē regnare uolebant
Quæ tellure latent diti attribuere profundo.
Forsitan hæc fuerit ratio quæ mouerit illos.
Altera se nobis longe præstantior offert
Ad mores inuenta bonos .studiosa salutis
Consona dogmatibus nostris .Concedimus ergo
Diuitias orcho: quia sunt fomenta malorum.
Et scelerum instrumenta: quibus subuertit omne
Iustitiæ robur .coecos quibus itur ad amnes
Sulfureosq; lacus regnum implacabile ditis.
Non aliam ob causam mundi saluator iniquas

Appellauit opes: et lucra ferentia mortem
Distribuenda pios hominum mandauit in usus.
Discite uestrorum monitis contemnere qcquid
Est mortale: omnem regna in coelestia curam
Ferte. nec atati: fluxæ neu fidite uitæ.
Mobile tempus abir: mora nulla fugacibus annis.
Nunc quoq; dum loquimur Cæsar tua præterit ætas
Anxia: nec gelidam tardat tua purpura mortem.
Finis erat uerbis: uno cum rhetores ore
Nil ueriti regem (res admiranda) superbam
Sacrilegum quiddam simulachra deosq; fatetur.
Incestumq; louem. subitoq; afflata repente
Numine tota cohors uictorem extollere christum
Coepit: et in summam fidei prorumpere laudem.
Torua supercilio Maxentius ora minaci
Tollit: et accensus flagranti corda furore
Elata uocat arma manu. citus arma satelles
Admouet. accursu procures tenuere. citato
Talibus ardentem furiis. Subuersa tumultu
Omnia præcipiti. Postq; sedata parumper
Ira. leues animos dixit quæ mouit herinnis?
Quis malus inuasit nutantia pectora demon?
Ergone foemineæ potuerunt uertere nugæ
Vos quoq;? uos inq; quos defendenda deorum
Causa peregrinis ad nos contraxit ab oris.

Hoc honor exhibitus uobis hoc doná merentur
Hoc suspenſa tolø? ſic nos ſic omnia Romæ
Numina negligitis? quæ tanta ignauia? multos
Vna puella uiros ſuperat. proh dedecus: inter
Millia tot preſtantum hominũ certaminis huius
Præmia fert mulier. ſic rex. concorditer omnes
Reſpondere uiri. quid nos terrere minando
Niteris? illabi manifeſtum in pectora numen
Senſimus: et rutilare ſacro caput illius igne
Vidimus: et labi flammas ex ore loquentis.
Vincimur a ſuperis: et uicti ponimus arma.
Da ueniam Cæſar. Chriſti tranſimus ad aras.
Iupiter et proles et numina falſa ualere:
Cæſaris extemplo facies excanduit: ardent
Lumina: labra tremunt. rauco clamore miniſtros
Conuocat infandum facinus iubet: ore tragoedo
Atq; ſophocleo ſcelus enarrabile cantu.
Tollite ſacrilegos clamat: iugulate deorum
Sacra profanantes. auibuſq; epulanda per agros
Extra date. hæc illis ſint præmia: uadat ad urbes
Fama peregrinas: tantæ uictoria pugna
Has habeant lauros. hæc gloria ſegnibus eſto.
Ite rogũ ingentem ſtruite: et date corpora flāmil:
Et cinis æquoreas uento rapiatur in undas.
Talía fulmineo iaculans late intonat ore:

Attoniti tremuere omnes. feralibus armis
Circumfusa cohors uinctos pratoria ducit
Rhetoras: et magno circumstrepit agmine miles.
Voce recedentes tali Catharina monebat
Ite triumphales animæ: superate tyrannum.
Ite alacres. hodie uobis referantur olympi
Limina. momentum mors est. ubi transiit æther
Panditur: et liber perit ignea spiritus astra.
Ite domos coeli sanctosq; intrate penates.
Ite. sequar. nec uos sacri iactura lauacri
Terreat: abradet scelus omne salutifer ignis.
Nec mora. comportant alii sarmenta trabesq;
Materiam arentem: et sylux uirgulta saligna.
Et piceas alii pinos et odora cypressi
Robora iuniperi ramos. campoq; patenti
Construxere pyras. adipem fomentaq; flammis
Plurima subiciunt: oleaq; liquoribus addunt
Sulfura certatim: coit omnis turba: uiæq;
Eructant hominum turbas. uelut aggere fracto
Cum Padus in uirides spumanti uortice campos
Insilit euertens segetes: spemq; obruit anni.
Subiecere faces. salit ardua flamma comamq;
Spargit: et in nubem fumi glomerantur opacam:
Corripiunt uinctos bini: stringuntq; retorto
Fune manus et fune pedes: iaciuntq; per altos

Ingenti clamore rogos. furit ignis: et ardor
In mentum salit atque comas stridore corusco.
Tanta sacerdotes alacri spectacula uultu
Conspiciunt: tabulisque iuuant incendia iactis.
Casaris extollunt animos: urgentque ministros.
Et rediisse deum libamen et orgia gaudent.
Extinctis mox busta uiris cecidere: nec artus
Incineres abiere: togas et corpora lambens
Leniter abstinuit uiresque cohercuit ignis
Ipse suas sanctos ueritus tractare. sepulchro
Christigenae intrepidi sublata cadauera ponunt
Suppliciter flentes: et tristia funera ducunt.
Caedis adhuc auidus Caesar: nec crimine tanto
Territus at multo madidus post prandia baccho
Mandat ab obscuris foribus coecoque reuulsam
Carcere uictricem mensis astare puellam.
Illa catenarum strepitu per lata sonante
Atria nil pauitans duri subit ora tyranni.
Composito uultu et frontis feritate parumper
Vix tandem posita ficto rex pectore fatur.
Regia progenies uirgo tua maxima uirtus.
Insigni nobis hodie certamine nota
Conciliare potest tibi me: nisi nostra uereri
Sacra negas. uersis igitur palinodia uerbis
Est dicenda palam. neu te male numina perdant

Est placanda deum dictis melioribus ira.
Illa qd his iterum nugis me uertere rentas?
Caesar ait. Tu saxa colas: sine numina nobis.
Forfan honoratis lapides: quia creditis olim
Deucalioneis homines de cotibus ortos.
Talibus accensus dictis Maxentius altum
Ferrea clamabat date uerbera. uerbera lictor
Expedit: et nudos humeros ac pectus apertum
Virginis inuadens crebro ferit impius ictu
Innocuum corpus. miti gemit ore: deumq;
Alloquitur uirgo. nostri cape sancte cruoris
Primitias. animum serua. sit uictima fluxum
Corpus: ut Habramus seruato pignore sacrum
Fecit et illustrem pecudis cruor imbuit aram
Sic mea seruata caro concidat hostia mente.
Sic ait. ex oculis lachrymae fluxere tepentes
Ora genasq; rigant. largus de uulnere sanguis
Labitur: et terram caedes effusa cruentat.
Supplicio affectam tali iubet ire sub umbras:
Nullaq; bisseis praebere alimenta diebus.
Vertitur abstergens oculis gemebundaq; pectus
Velat: et in noctem lachrymans descendit opaca.
Est locus aëos phoebe nascentis ad ortus
Arduus attollens uicina cacumina coelo.
Thraicia maior rhodope sublimior ossa

Pelion æmonium superans et culmen olympi
Caucaseasq; niues ubi sunt iuga maxima Tauro.
Illic perpetuo uernantia gramine rura
Perpetui fructus aternaq; gratia florum.
Vernaq; temperies sēper: sine nubibus aer
Lympidus. Aufter abest. boreas nō sibilat. Eurus
Exulat. occidua Zephyrus non murmurat aura.
Hic primæua q̄s homini ieiuna priusq̄
Infelix uetita uiciaffer guttura fruge:
In medio fons est lato pulcherrimus orbe
Quatuor unde fluunt occulto flumina cursu.
Nam tria secretis delapsa meatibus arcton
Versus eunt: at mox uerso reuocantur in austrum
Tramite. ad æthiopes. combustaq; solibus arua
Defluit assiduis quartum. Meroemq; refuso
Gurgite complectēs menphitica regna peragrat.
Ad uitrei fontis ripas in margine lato
Sunt oleæ pingues. sunt medica mala. Cypressi.
Et semper uirides lauri. palmetaq; longis
Fronibus: et pini pingues: et myrtea sylua.
Sunt et odoratæ Cedri foecundaq; semper
Ficus: et uua graui pendens in palmite. pruna
Cærea. iuglandes. et amygdala. purpureumq;
Quod tulit arctois pomum Lucullus ab aruis.
Prata sub arboribus raris florentia semper.

f.i

Lilia. serpillum. Narcissus. amaracus. omne
Gramen odoriferū. uiolae. rosa. balsamus: arbor
Thurea. myrrha. thymū. buxus. terebīthus. amo
Nardus. et Aiacis frondes rorisq; marini. (mū
Irriguos circum riuos sua brachia tendunt.
Innocui uitreo ludunt in gurgite pisces.
Vbera distendunt pecudes. hic nulla leonum
Semina. non serpens. nec cauda scorpius unca.
Omnia tuta. cubant lepores: nec bella nec ullas
Insidias metuunt: cantu nemus omne uolucrum
Personat: et florum per summa cacumina nectar
Libat apis. lectumq; cauis opus aggerat antris.
Nuncius ante pater summa quem miserat arce
Virgineo occurrens morbo casusq; futuri
Praescius inde fauos illis et mella diebus
Pomaq; decerpens dapif inconsueta ferebat
Xenia desertae trans æquora lata puellae.
Haec sunt illa quibus felicem pabula uitam
Helias et socii longaeua in saecula ducunt.
Omniaq; infuso curauit uulnera moly:
Moly: qđ omnigenis fecit deus utile morbis.
Nigra subest radix. uiridis coma. floribus albet.
Iam bisseua dies ierat. reuocatur ab umbris
Ambrosium uultu referens Chatarina decorem.
Nec tenuata fame nec tristi squallida nocte.

Caesar ut aspexit solitum decus⁷ oris honesti
Fraude ministrorum pastam putat. aestuat. ardet
Vociferans. trepidat mugitu regia tanto.
Non secus ac nautae pelago cum turbidus imber
Ingruit: et rauco uolitat cum murmure nubes
Pulsa notho. tumet unda. micat pice nigrior aer
Ignibus: et tonitru ingenti tonat altus olympus.
Perdite custodes clamat uel mergite ponto
Tergore confutos. ficulis uel adurite tauris.
Iussa citi Garamas Nasamon maurusq; faceffunt
Marmaridæ. Psilli. Numidæ. quibus una libido
Sanguinis. accensos miseri raptantur ad ignes.
Vinculaq; iniiciunt pedibus. terraq; uolutos
Versatosq; luto et foedatos puluere terga
Ad tormenta trahunt. nihil illis mollia prosunt
Verba precum. lachrymæ nihil iter uerba cadentes.
Nil longi labor obsequii: uotisq; uocata
Numina nil prosunt. manet implacabile pectus
Regis et indomitum uirus medicamine nullo
Frangitur. o infelix quæ te inclementia Cæsar
Virgo ait innocuos homines torquere coegit!
Non ego terrenis epulis sed ab aethere missa
Sum dape pasta dies bissex. qui pabula genti
Per deserta dedit solyma: cum uecta per undas
Aequore suspenso panchæos uenit in agros

.f ii:

Me quoq; certantem pro relligione fidemq;
Asserere audentem pauit sanauit: et ipsa
Parta salus opus esse docet coeleste. cicatrix
Nulla per offensos ferro deprehenditur artus.
Incipe sedata fieri clementior ira:
Et neq; sanguineo similem te finge Neroni.
Sed qualis Traianus erat: uel iulia proles
Augustus: qualesq; tulit gens flauia reges
Et patrem et natum. quorum uestigia debes
Sancta sequi si uis tanto succedere regno.
Dignus eris si iustus eris. clementia reges
Efficit imperio dignos. pro immanibus actis
Crudeli mercede deus tibi digna rependet
Proemia. crudeles superi crudeliter urgent.
Vicit foemineo facundia iuncta decori.
Sedatusq; parum Caesar quo perdita Virgo
Vsq; Ioui differs inquit parere? iuuentæ
Nec miserere tuæ? Non te seruilibus utar
Obsequiis: nec enī id patitur tua forma nec ætas.
Assentire meis aliquando et subde rebelles
Imperiis animos. Quid me respondit iniquis
Sollicitas uerbis? turpi si pectora uoto
Foeda geris cur sanctum audes uiolare pudorem?
More suum coeno assuetus sordescere nunquā
Desinis: et munda nescis assuescere uitæ

Sic tuā te instituit nētus: hāc documenta tuorū
Castra deum. Sunt hāc quibus assentire iubemur
Imperia? hī monitus? Vtrum tua prouida uirtus
Consult utilius nobis. humanane iussa
An diuina sequi? Quod amas deus odit. et audes
Impugnare deum cum sis mortalis? ab urbe
Cīuibus hāc tam uana meis documenta tulisti?
Erubuit Caesar. sceleris mens conscia non fert
Iurgia. non audet uultus attollere: seq;
Vertit ad Ichthybolū: et reuehi praecepit ad ūbrā
Carceris: atq; nouis traddi custodibus antrum.
Ichthybolus uero cui mens crudelis et atrox
Ingenium regi quidnam uulgaribus inquit
Hanc poenis terrere paras? sub fidere natam
Credimus hellæo. nam frons marpesia caute
Taurominitana asperior: rigidoq; adamante
Durior ausonios fasces nostrasq; secures
Ridet: et imperio diuum parere recusat.
Cadimus? an iustis dementem urgere flagellis
Praestat? et imperii causam diuumq; tueri?
Mollia non obstant duris: nec fortia possunt
Debilibus uinci. nec ligno saxa cauantur
Nec manibus muri. sed duro marmora ferro
Moenia contortis magno molimine saxis
Eruimus. si auferre paras a uirgine Christum

f.iii

Finge rotas: magnaꝝ aliquot uertiginis orbef.
Et crebris armetur opus mucronibus omne.
Et radii cultros et curuatura rotarum
Ancipites habeant. Orbis contrarius orbi
Currat: et affixos uerso secet imperus axe.
Persephone immanes pœnas et sœua docebat
Supplicia oculis uoluens corda impia formis.
Aspera inhumanum flexit sententia regem.
Quæritur in rota si quis foret urbe Perillus
Atq; Phereclea quisq; præstantior arte
Dedalus. aut auctor troianæ cladis Epæus.
Nox erat. et medium coeli stellata per axem
Cum Ioue ducebant nitidi uestigia pisces.
Maximus ætherei Christus regnator olympi
Agmine coelicolum magno supatus ab astris
Labitur: et niuei transit per cornua tauri.
Intrat ad humentes umbras et triste baratrum.
Fit sonus. et nigram subito lux aurea noctem
Dissipat. apparent pulchra sub imagine diui.
Primus Ioannes: humeros cui lucida uestit
Pellis: et aurati pendent in tergore uili.
Alter erat senior Petrus cui candida mento
Cæsaries geminaꝝ micant in pectore clauæ.
Tertius ardenti Paulus mucrone coruscans
Igneus ore. ligant intextæ guttura gemmæ.

Quartus Ioannes aquila signatus amictu
Lucet in albenti: mentoq; et uertice canus.
Hi primi: sua quemq; ducem stant agmina circū.
Squallor abit: fulget paries. circumfluus aer
Fragrat: et armenio carcer lustratur amomo.
Tum uultu diuum dominus sic fatur amico.
Hactenus ex alto pugnam spectauimus orbe
Occulte q; tuis procul aspirauimus orsis
Fortibus: hac clara fuerint præludia pugnae,
Nunc acie tota pugnatur et omnibus armis.
Macte et in extremo palmam ne desere cursu.
Pars superest tibi parua uia. iam proxima palmae
Curris. et apparet grauium suprema laborum
Meta. dies feret optatum tibi crastina finem.
Dixit: et ambrosia frontem perfudit et armos.
Et sic fatus abit: dulciq; adit aethera cantu.
Altera lux aderat. feralis machina coelo
Erigitur: populiq; foro concursus aperto
Cogitur. horrescunt uisus: et crudele fatetur
Id genus insolitum poenae. de robore querno
Texitur: et bisex cubitis ascendit in auras
Pons: ubi uoluendos lictor se attollat ad axes.
Impulsi magnis strident conatibus oibes.
Rostratiq; micant gladii: curuisq; minantur
Dentibus. et paruo inter se discrimine distantes:

Corpus ut affixum lateri e regione locatum
Discerpat latus: atq; uno secet omnia cursu
Membra leues subito procul eiaculanda p auras.
Terrificum incutiens animis structura pauorem
Aspectuq; nocens solo. super aurea sedit
Stragula: et a recto spectat Maxentius alto
Coniugis extendens bacchatam ad cola finistrã.
Protrahitur uirgo: quæ postq̃ immania uidit
Currere protensis armata uolumina rostris
Substitit: et presso suspexit sidera gressu
Sic memorans. Obstitute pater crudelibus ausis.
Percute dentatos orbes. ostende tyranno
Te ioue contempto coeli terraq; potentem:
Infelix uideat contabescatq; uidendo
Quanta ruæ uirtus et q̃ta potentia dextra.
Vix ea finierat gelida cum erupit ab arcto
Ventus: et ardenti resonans cum fulgure fulmen:
Grandineq; immixta nimbus calliginis atra.
Dirumpitq; rotas. trabibusq; per aera pulsis
Maxima consequitur strages: quo territa uertat
Turba pedem noctis tenebris inclusa profunda
Nescit: et attonitos frustratim machina labens
Opprimit: auditur clamor: sonitusq; ruentum
Impete cum magno trabium. periire ministri:
Quattuor ut fama est rapuit furibunda uiroꝝ

Millia tempestas et lapsus ab aere turbo,
Vtq; dies claro deterfit nubila coelo
Detegitur clades hominum. laniata per omne
Membra forum. facies uisæ: conuulsaq; labra
Dentibus exertis: laceraq; per ardua uestes
Culmina tectorum. mixto fluit unda cruore
Quæ superant cladi lugent communia matres
Funera pellex. lamenta per omnia surgunt
Compita: in ingenti tota urbs ploratur aceruo.
Plæbis in occasu tantæ gauisa per auras
Persephone uolat. ac socios ac dæmonas omnis
Ad prædam ciet ex aris adytisq; deorum.
Illi precipites altis e turribus adsunt:
Corripiuntq; uagas animas. stygusq; coercent
Funibus in fasces: et in intima tartara uolunt.
Per similes aquilis quotiens uidere uolucres
Dulcibus e stagnis tolli: tenuemq; per auram
Nare cateruatim: campisq; inferre uolatum
Qua rigat effusis Mantoam gressibus urbem
Mintius intexens iūcis et harundine ripas.
Saucia iamdudum coeco regina dolore
Dissimulare nequit flagrantē pectore flammam
Sicq; uirum alloquitur. quæ te imanisime quæ te
Pestis agit? manifesta uides miracula: nec dum
Irritare deum cessas. tibi me quoq; Christus

Abstulit: et uiuo crines in flumine laui.
Nec tua sum posthac. nec me reuerentia martis
Nec Iouis ulla tenet: tua sint hæc numina. uincet
Christus: et occumbes cum religione deorum.
Cæsar ad hæc frendens cōtorquet lumina denso
Torua supercilio: et clamans noua funera lictor
Poscimus: accipe et hanc: et amaro uulnere trūcis
Vberibus cæsa caput a ceruice reuulsum
Aequoreæ uolucres habeant. piscabitur illud
Petrus: et inuentum Christi suspendet ad aram.
Nec mora: dum totam magnis ululatibus urbem
Dira lues agitat. dum cadibus omnia complet
Persephone exultans et tanta strage superbit
Vincta manus sparsis trahitur regina capillis.
Res indigna nimis: missosq; ad cola capistro
Ducitur ad litus lachrymans: et crine ligatā
Arboris ad ramos patulis quæ umbrosa lacertis
Stabat harenosæ frondens in margine ripæ.
Afficiunt probris et multo uerbere. tandem
Pectore conuulso pharias truncatur ad arces.
Exanimes artus nudant: rapiuntur in aures
Implicitumq; comis aurum: gemmisq; monile
Diues: et amisso sæuiri fera turba pudore.
Ceu plures cum nocte lupi inuenere relictam
Desidia pastoris ouem simul agmine facto

Cōmunē inuadunt prēdā: atq; in uulnera certāt.
Dilaniant: caput hic. iecur ille: in clunibus alter
Pascitur: et fauces implent: rictumq; cruentant.
Audiit horrendum facinus: ueniensq; repente,
Porphiriū multo raptum cum milite corpus
Texit hūo lachrymās: meritosq; exsoluit honores
Infelix q̄tum sors et breuis hora sinebat
Iamq; nouas afferte dapes: discumbere tempus
Cesar ait: sat mane Ioui superisq; litatum
Omnibus: et fuso placati sanguine manes.
Soluite tristitiā: curasq; immergite baccho
Debetur noua nupta mihi. namq; impia cōiunx
Per noua iudæo nupsit diuortia Christo.
Ferte cados: date creteo de palmitē uina.
Ponite amynæos latices: chiumq; liquorem
Et si qd campana sui uindemia misit
Nectaris: omnigeno spumēt crateres hiaccho.
Discumbunt. celeres uolitant agilesq; ministri:
Et mensas epulis onerant: Maxentius ira
Iamdudum exustus largo se ingurgitat haustu
Sæpius: et pergit uenas inflare calentes.
Callida persephone grauibus conuiuia rixis
Immiscere uolens sumptis prateruolat alis
Aequoreā simulans uolucrem: petit ardua nubes
Itq; reditq; frequens: ducitq; per aera gyrum:

Garrituq; sonat pluuió. denunciat inquit
Ichthybolus uentos tempestatemq; futuram
Iam pelago furor et nautis grauis ingruit imber.
Cæsar ut audiuit pelagus: succurrit imago
Coniugis ad littus cæsæ. iubet ire ministros
Necropolimq; trahi: et cōdi tellure cadauer.
Respondere ducem iamdudum funere ducto
Porphirium ueteri regum imposuisse sepulchro.
Ecce iterum lachrymas iterum ciet ira furorem:
Lataq; subuertit præceps conuiuia luctus.
Porphirium Cæsar tunc e regione sedentem
Pallidus et stomachum uultu confessus opaco
Alloquitur. Quid me inuiro uiolenter ademptū
Corpus humas? Quæ relligio? quæ cura meorū?
Pro uidus: ardorem mentis ratione gubernat
Et placidis mulcet bacchantem uocibus iram
Porphirius. Nobis Cæsar fore dedecus inquit
Immortale ratus si peruenisset ad aures
Vrbis id infandum facinus qđ percitus ira
Incomposq; tui mandas cælanda putauī
Corpora deffunctæ: et sceleris monumēta nefādi:
Sed furor impatiens freni mitescere nulla
Voce potest. similisq; Padi torrentibus undis
Aestiuo cum sole niues saxosa gebennæ
Præcipitant iuga: si cursus occludere tentas

Obiice contortis crescunt spumantia terga
Vorticibus: semperq; magis uiolenta superbit
Congeries: tumidaq; premit retinacula mole.
Donec iter gurges agat indignatus apertum.
Quid scelus excusas hominum turpissime Cæsar
Inquit et ignaua regem grauitate laceffis?
Omnia Therſitæ ſimilis quid gutture latras
Sardanapaliaco: pallenti excanduit ore
Dux animo dextraq; potens claraq; ſuperbus
Militiæ titulis: uoluitq; inuadere pectus
Cæſaris: et capulum dextra complexus eburnum
Deſtitit. ardentem uirtus compescuit iram.
Atq; ita ſuſpirans fatur Quid fida tuorum
Pectora Maxenti uerbis premis acribus? Et qd
Lata proceloſo turbas conuiuia uultu?
Si tibi cauſa minus placuit recitata: fatebor
Altera cauſa ſubeſt potior: Sepelire iacentem
Religio Chriſti dominam me iuſſit: et ipſos
Rhetoras ante dedi tumulo: Nam flumine uiuo
Me quoq; ſi neſcis lauit regnator olympi
Chriſtus: et abiecto uerum Ioue numen adoro.
Saucius incompoſq; animi Maxentius ergo
Tu quoq; carminibus magicis ſubuerteris? iquit.
Tu magicas artes tu cadem incendiaq; audes
Dux ait: infelix ſequere: et ſcelus omne reuolue.

g. i.

Ingluviē nutri. duro rape uiscera ferro.
Sanguine tinge manus: innoxia membra trucida.
Numina Maxenti iustissima. numina tantum
Sunt uisura nefas. meritas dabis impie poenas.
Expectant te Thybris aqua. calor iste sub undis
Occidet: et tamq̃ Phaeton temerarius axe
Pulsus ab excelsō uastum rapieris in æquor:
Forſan et inuenies extinctæ coniugis ora.
Interea pinguem nutri delphinibus eſcam.
Ira (ſcio) tua me morti iam deſtinat. ultro
Ibimus: et ſtrictos caput extendemus ad enſes
Intrepidi. nobis nihil eſt in morte timendum
Chriſtigenis: quibus eſt aliud poſt funera longe
Nobilius uitæ genus immortalis olympto.
Oppetere eſt iterum naſci. tormenta ſubire
Pro uirtute pium. triplex contingit origo
Chriſtigenis. uulgata prior: qua naſcimur omnes
Semine concepti patrio: cum ſeptima foetum
Luna peragrato uel nona peregerit orbe.
Altera ſic natos terris per myſtica tranſfert
Flumina: et ablutos genitrix eccleſia lacte
Nutrit ad ambroſiæ ſemper uiuentis odorem.
Tertia cum ſuprema dies mortale reſoluit
Corpus et in cineres opus hoc natura caducum
Traxit ad æthereos orbes empyrea regna

Mittit ubi et reduces animos complectitur ulnis
Dulcibus et nitida coeli pater accipit aula.
Ista fides lorica mihi est adamantina nullis
Peruia fortunæ iaculis. dum talibus orat
Porphiritus tumido bilem sub pectore Cæsar
Rodit: et impatiens uultus obscurat herinnys
Et circumpositis stimulat precordia flammis.
Dux animum firmante deo nil territus atra
Fronte quid atroci dudum concepta uenena
Corde premis? dixit. ne pars innoxia uitæ
Vlla tuæ dignum uenia te reddere possit
Incipe rumpe moras. aperi crudelia tandem
Ora. satellitibus diris mea funera manda.
Membra iube lanianda feris in littore spargi.
Deffuncti careamus humo: careamus harena.
Corpora iactentur monstris laceranda marinis.
Discite crudeli procures seruire tyranno
Rege sub ingrato sub iniqui principis umbra
Seruitiis emitur mors obscurissima longis.
Rumpitur inflatum pectus: mentisq; superba
Nec frenare potest nec dissimulare furorem
Cæsar: in extremis ardet iam faucibus ira.
Non aliter q̃ cum sicco sub fomite dormit
Ignis et afflatu crebro excandescit et aura
Exilit: et tremula rutilant per nubila flammæ.

g.ii

Ferte citi procul hic hominē: date uincula clāma
Cumqꝫ suo totam domino iugulate cohortem
Quæ ducis infecti traxit contagia: finem
Sacrilegis dabit ista dies. Per numina iuro
Per Iouis aternum imperium fulmenqꝫ trisulcū
Ibitis ad lethen: stygiasqꝫ uidebitis undas.
Dux et tota cohors missis ad colla catenis.
O funesta dies o lamentabile tēpus
O furor o rabies o detestabile uirus
O dolor o regum impietas o mortua uirtus.
Ducitur: et longa properant ad funera pompa.
Ventum erat ad litus: cum dux fortissimus ægros
Alloquitur comites turbataqꝫ pectora firmat.
O socii mecum terræ pelagiqꝫ labores
Experti totiens: longaqꝫ pericula passi
Militiæ. quid uos terret præsentia mortis?
Quæ celerē cursu Zephyrum uolucremqꝫ sagittā
Vincit? ubi fortes animi generosaqꝫ uirtus?
Cordaqꝫ ad horrendos nunqꝫ perterita casus
Ponite tristitiam: rectos attollite uultus.
Cernite perpetuo fulgentem lumine mundum.
Aethereasqꝫ domos. animis ea patria nostris.
Et qd foeminea pauida formidine frontes
Despiciunt terras? hodie ueniemus in astra.
Sic ait. et Christo sacrum pæana canentes

Accipiunt altos pronis ceruicibus enses.
O mors clara uirum uita praestantior. olim
Noxia cum rapida purgarint saecula flammæ
Membra memor uestri deus immortalia reddet:
Interea gaudete bonis coelestibus inter
Spirituum coetus alacres: et sancta precati
Numina terrigenis Christi implorate fauorem.
Pectora trunca iacent: fusoque rubescit harena
Sanguine. mactata est duplex hecatomba tonanti.
Cum duce bis centum comites in littore caesos
Christigenæ effossis moesti iposuerunt sepulchris.
Et iam prona dies nocti cadebat: et umbris
Occiduo radians excelsam lumine Calpem.
Cum furiis Caesar longis iam fessus et ira
Sic secum. Quæ tanta istis constantia? quænam
Robur iest animis tantum? quæ pectora uirtus
Inconcussa regit? quæ spes? quæ præmia tanti?
Morte quod expectant obita? Neque credere dignum est
Sanctius his numen: quorum res publica pauper
Quam nostris qui regna tenent telluris et undæ
Illam ego numinibus gentem melioribus uti
Crediderim cuius terrena potentia maior.
Nam si regna dei arbitrio terrena gubernant
Distribuuntque suo: qui dant maiora putandi
Maiores. libyam Iuno regna attica Pallas

g iii

Iliacam Phoebus Tarpeiam Iupiter arcem
Constituit. regnum regno ceu numine numen
Maius erat. sed christigenis nec regna nec urbes.
At fuerit satius tantos sedare tumultus
Vnius interitu. uel si mutabitur eius
Connubio. tantumq; decus seruare iugali
Foedere: et has tandem curas extinguere tædis.
Saturni iam brumma dies et lata reducit
Tempora: quæ nobis patrio celeberrima ritu
Iucundos hyberna sales et xenia poscunt
Ocia nocturnæ poscunt conuiuia mensæ:
Expediam: tristis ne se inter gaudia luctus
Ingerat. interea placidas mihi iupiter undas
Aequoris: et cursus dabit ad mea regna secundos.
His dictis placet accito lictore puellam
Duci iterum e tenebris: iterum tentare loquendo
Virgineumq; nouis pedicis captare pudorem:
Quam simul ac uidit sic est aggressus. Amiclas
Troius assultu subito expugnauit adulter.
At tua terdenis nondum est mollita diebus
Duricies. Ponti glacies hircanaq; tandem
Frigora et arctoæ uincunt sole pruina.
Tu Getico sopita gelu uel gorgone uisa
In silicem durata nequis mansuescere. Quercus
Orpheus. Amphion lapides delfines Arion

Mouit: et orphæos sen serunt tartara cantus.
Tu niue frigidior. tibi ferrea corda: sepulti
Vt qꝫ adeo tibi sunt sensus hebetat aqꝫ mentis
Lumina ut albenti uideare simillima saxo
Coniugis assyriæ uerso quæ in marmora uultu
Fluxit et ardentem spectat fugitiua Gomoram.
Heu quianam contra genium moremqꝫ iuuentæ
Molliciemqꝫ tui sexus generisqꝫ superbi
Stemma supercilio spernis regalia toruo
Imperia? ah demens: tu blandimenta minasqꝫ
Despicias. et surda perstas immobilis aure.
Tu populo spolias urbem: tu coniuge regem.
Militibus qꝫ ducem duce Cyrenensia regna.
Et miseremur adhuc: et te seruare parati
Mitibus alloquimur uerbis. Genus aspice q̄tum
Romanū pietate ualet. Mitesce parumper.
Si seruire pudet. mecum regnabis. habeto
Coniugis extinctæ thalamos. Romana uidebis
Moenia. et incades latiam regina per urbem
Quod tua gentilis quondam Cleopatra tumultu
Ambiit Actiaco tu Casare digna marito
Accipe largimur sine bello et sanguine regnum.
Sic ait et coeco languet Maxentius igne.
Illa uelut dorsum mediis in fluctibus ingens
Vapulat assiduus et nunqꝫ uincitur undis:

Desine plura: nefas iterum me nubere dixit
Nupsimus. inserto nuptam manus indicat auro.
Et mihi nunc alacres nitidis conuiuia mensis
Virq; socerq; parant. hodie subitura mariti
Limen. et e tenebris claros aditura penates.
Nec sum dura. fidem seruo. Tu sanguine gaudes
Non ego. tu tanti sceleris durissimus auctor.
Hæc ubi dicta uidens atrox immota tyrannus
Pectora nec precibus flecti nec uerbere frangi
Spe ueneris posita iubet a lictore necandam
Necropolim duci. pullo uelata cucullo
Atq; capistratis manibus de carceris antro
Truditur ambigua faciente crepuscula nocte.
Aemonius Chiron media iam parte sub umbras
Iuerat: et lædæ funestam pignora noctem
Aere uoluebant piceo niger hesperus ore
Pallidulo tristi per coelum ascendere uultu
Visus. ab aspectu sceleris noua luna nefandi
Cornua subtraxit: nubes tererrima clausit
Aethereos ignes et conscia sidera morti.
Audita halcyones grauib; lamenta querelis
Spargere per littus: moestosq; ad funera cantus:
Aedere. et æquoreas uolucres dare flebile carmen.
Est locus ad boream pelagi porrectus ad undas
Densa ubi syluestrem faciunt spineta recessum.

Areaq; in medio. crebris ibi terra sepulchris
Surgit: et in tumulos fossæ cumulantur harenæ:
Sacra cadaueribus tellus: polyandrión Hellas
Voce uocat patria: nudis passim ossibus albet
Vrticis umbrosus ager grauiusq; cicutis
Et nigris ebuli baccis et olente Sabuco.
Campus iners et sepiuagis domus apra colubris.
Hos ingressa locos durus dum brachia lictor
Expedit inuertens manicas dumq; explicat ensẽ
Sanguineum. uirgo coelum suspexit et ignes
Aethereos. taliq; deum sermone precata est.
O pater exiguas tanto pro munere grates
Soluimus: ingentes autem debere fatemur.
Tu grauius pressam tenebris in clara uocasti
Lumina: tu manes tu das superare tyrannum.
Et modo tam uario functam discrimine tandem
Ad palmam regnumq; uocas. Da numine dextro
Egressus animo faciles: reditusq; secundos
In patriam coeliq; domos. hanc accipe mentem.
Et prolem ne sperne tuam de fauce reuulsam
Ditis: et oranti famulæ tua limina pande.
Et si quando memor quisq; certaminis huius
Implorabit opem. Pater exorabilis esto.
Finierat subito cum uox audita per auras.
Anuimus. securâ ueni. Tum poplite flexo

Et crucis explicita per pectus imagine lictor
Verberat orantem gladio. Pro caede cruenta
Lac niueum fluxit: tellus incanduit albo
Sanguine. lingua deum nervis delusa recisis
Personat: et moriens uerba imperfecta relinquit.
Cæsa solo iacet atq; in coelum uita recessit.
Affuit extemplo superum de sedibus agmen
Spirituum duplex: unum qđ corpore nudam
Suscipiat mentem. dulciq; ad sidera cantu
Transferat. exanimes aliud qđ tolleret artus
Insolita notia luce dies in nocte refulsit:
Atq; repentinum subito cum lumine fulgur
Emicuit ceu cum frangit caua nubila fulmen
Cum grauis ardentem succendit Iulius æstus.
Euolat attonitus lictor: trepidiq; ministri
Corripuere fugam. Toto symphonia coelo
Spargitur. et mixta uocum dulcedine carmen
Astra petit. sensimq; abiens discedit ab aure.
Visaq; per coeli tractus ascendere nubes
Lucida persimilis soli lucentior astro
Luciferi: et claro rutilantē lumine caudam
Ducere et ignifero ferri ultra sidera cursu.
Et caput insertare polo. patuere tonantis
Atria. curuatus lato pater obuia uultu
Brachia diffundens reduci dedit oscula natæ.

Et triplici claram radiavit sidere frontem.
Altera spirituum legio collegit ab hortis
Balsama iudæis aloes myrrhaque liquorem:
Ablutosque uadis artus et odoribus unctos
Aereum per iter rubri trans æquora ponti
In montes arabum summaque cacumina Sinæ
Transtulit. et corpus pario clausere sepulchro
Quod superum fecere manus: Opobalsama semper
Marmor odoratum fudat: quibus ægra iuuantur
Corpora difficiles isto caromate morbos
Indigenæ pellunt. sacros Alabastra liquores
Atque salutare lachrymas oleique fluentis
Accipiunt guttas. membris honor iste sepultis.


FINIS:

Francisci Cereti Parmensis Iuris Pötificii Scho
laris Studiosissimi i Inuidum Lectorem Carmen.

i Nuide quod tantum iuuat excādescere lector?
Et Rhodiis Linguax ponere sacra focis?
Thersitæ similis sine sensu et mente loquenti
Cur iacis in Vatem uerba Canina pium?

Et merito sceleris tanti dabis improbe poenas:
 Aedere scis grauius q̃ maledicta pari.
 Liuide si nescis Superum Regina Poetam
 Hunc fouet: et Costo nata parente Dea:
 In quarum Laudes quantum certauerit arte
 Pindarica fulgens testificatur opus.
 Nulla erat (infandū facinus) reuerentia coelo:
 Squallidus inculto numine Christus erat:
 Hic pius ad sedes hominem reuocauit olympi
 Restituens nostro mystica Sacra deo.
 Protulit in lucem ueterum monumenta parerū:
 Quicquid et a Christo lex noua nostra capit.
 Ergo tuos tandem mores depone ferinos:
 Et memori uatis pectore nomen habe:
 Detur et Euripidis uersum transferre sepulchro
 Qui fuit Aemathio conditus ante solo.
 Nulla ætate tua o uates monumenta peribunt
 Fatidicæ Mantus: Virgiliq; nepos.

Secundæ parthenices opus diuinū Bononiæ imp̃s
 sum solerti animadiuersione Francisci Cereti par
 mensis: cōmunibus autem ipenslis Benedicti Hec
 toris Bibliopolæ Platonis q̃ eiusdem impressoris
 accuratissimi: ciuium bononiensium . Anno na
 tiuitatis dominicæ . M.cccc.lxxxix: Quinto idus
 Februarias.



mi:
t.

o

pl
ar
ec
rf
na
is

